

गोस्वामी तुलसीदास

विरचित

रामचरितमानस

उत्तरकाण्ड



Sant Tulsi das's

Rāmcharitmānas

Uttar Kānd

RAMCHARITMANAS : AN INTRODUCTION

Ramayana, considered part of Hindu Smriti, was written originally in Sanskrit by Sage Valmiki (3000 BC). Contained in 24,000 verses, this epic narrates Lord Ram of Ayodhya and his ayan (journey of life). Over a passage of time, Ramayana did not remain confined to just being a grand epic, it became a powerful symbol of India's social and cultural fabric. For centuries, its characters represented ideal role models - Ram as an ideal man, ideal husband, ideal son and a responsible ruler; Sita as an ideal wife, ideal daughter and Laxman as an ideal brother. Even today, the characters of Ramayana including Ravana (the enemy of the story) are fundamental to the grandeur cultural consciousness of India.

Long after Valmiki wrote Ramayana, Goswami Tulsidas (born 16th century) wrote Ramcharitmanas in his native language. With the passage of time, Tulsi's Ramcharitmanas, also known as Tulsi-krita Ramayana, became better known among Hindus in upper India than perhaps the Bible among the rustic population in England. As with the Bible and Shakespeare, Tulsi Ramayana's phrases have passed into the common speech. Not only are his sayings proverbial: his doctrine actually forms the most powerful religious influence in present-day Hinduism; and, though he founded no school and was never known as a Guru or master, he is everywhere accepted as an authoritative guide in religion and conduct of life.

Tulsi's Ramayana is a novel presentation of the great theme of Valmiki, but is in no sense a mere translation of the Sanskrit epic. It consists of seven books or chapters namely Bal Kand, Ayodhya Kand, Aranya Kand, Kiskindha Kand, Sundar Kand, Lanka Kand and Uttar Kand containing tales of King Dasaratha's court, the birth and boyhood of Rama and his brethren, his marriage with Sita - daughter of Janaka, his voluntary exile, the result of Kaikeyi's guile and Dasaratha's rash vow, the dwelling together of Rama and Sita in the great central Indian forest, her abduction by Ravana, the expedition to Lanka and the overthrow of the ravisher, and the life at Ayodhya after the return of the reunited pair. Ramcharitmanas is written in pure Avadhi or Eastern Hindi, in stanzas called chaupais, broken by 'dohas' or couplets, with an occasional sortha and chhand.

Here, you will find the text of Uttar Kand, the 7th and final chapter of Ramcharitmanas.



श्रीगणेशाय नमः

श्रीरामचरितमानस सप्तम सोपान

उत्तरकाण्ड

क्षोक

केकीकण्ठाभनीलं	सुरवर	विलसद्विप्रपादाब्जचिह्नं
शोभाद्यं पीतवस्त्रं	सरसिजनयनं	सर्वदा सुप्रसन्नम् ।
पाणौ नाराचचापं	कपिनिकरयुतं	बन्धुना सेव्यमानं
नौमीड्यं जानकीशं	रघुवरमनिशं	पुष्पकारुढरामम् ॥१॥
कोसलेन्द्र पदकञ्ज मञ्जुलौ कोमलावजमहेशवन्दितौ		।
जानकी करसरोज लालितौ चिन्तकस्य मनभृङ्गसङ्गिनौ		॥२॥
कुन्दझन्दुदरगौरसुन्दरं नौमि	अग्निकापतिमधीषसिद्धिदम्	।
कारुणीककलकञ्जलोचनं	शंकरमनंगमोचनम्	॥३॥

दोहा

रहा एक दिन अवधि कर अति आरत पुर लोग	।
जहँ तहँ सोचहिं नारि नर कृस तन राम वियोग	॥
सगुन होहिं सुंदर सकल मन प्रसन्न सब केर	।
प्रभु आगवन जनाव जनु नगर रम्य चहुँ फेर	॥
कौसल्यादि मातु सब मन अनंद अस होइ	।
आयउ प्रभु श्री अनुज जुत कहन चहत अब कोइ	॥
भरत नयन भुज दच्छिन फरकत बारहिं बार	।
जानि सगुन मन हरष अति लागे करन विचार	॥

रहेठ एक दिन अवधि अधारा । समुझत मन दुख भयठ अपारा ॥
कारन कवन नाथ नहिं आयउ । जानि कुटिल किथौं मोहि बिसरायउ ॥१॥
अहह धन्य लछिमन बङ्भागी । राम पदारबिंदु अनुरागी ॥
कपटी कुटिल मोहि प्रभु चीन्हा । ताते नाथ संग नहिं लीन्हा ॥२॥
जौं करनी समुझौं प्रभु मोरी । नहिं निस्तार कलप सत कोरी ॥
जन अवगुन प्रभु मान न काऊ । दीन बंधु अति मृदुल सुभाऊ ॥३॥
मोरि जियँ भरोस दृढ़ सोई । मिलिहिं राम सगुन सुभ होई ॥
बीतें अवधि रहहि जौं प्राना । अधम कवन जग मोहि समाना ॥४॥

दोहा

राम बिरह सागर महं भरत मगन मन होत ।
 बिप्र रूप धरि पवन सुत आइ गयठ जनु पोत ॥१(क)॥
 बैठि देखि कुसासन जटा मुकुट कृस गात ।
 राम राम रघुपति जपत स्वत नयन जलजात ॥१(ख)॥

देखत हनूमान अति हरषेऽ । पुलक गात लोचन जल बरषेऽ ॥
 मन महं बहुत भाँति सुख मानी । बोलेऽ श्रवन सुधा सम बानी ॥१॥
 जासु बिरहं सोचहु दिन राती । रटहु निरंतर गुन गन पाँती ॥
 रघुकुल तिलक सुजन सुखदाता । आयठ कुसल देव मुनि त्राता ॥२॥
 रिपु रन जीति सुजस सुर गावत । सीता सहित अनुज प्रभु आवत ॥
 सुनत बचन बिसरे सब दूखा । तृष्णावंत जिमि पाइ पियूषा ॥३॥
 को तुम्ह तात कहाँ ते आए । मोहि परम प्रिय बचन सुनाए ॥
 मारुत सुत मैं कपि हनुमाना । नामु मोर सुनु कृपानिधाना ॥४॥
 दीनबंधु रघुपति कर किंकर । सुनत भरत भैठेऽ उठि सादर ॥
 मिलत प्रेम नहिं हृदयँ समाता । नयन स्वत जल पुलकित गाता ॥५॥
 कपि तव दरस सकल दुख बीते । मिले आजु मोहि राम पिरीते ॥
 बार बार बूझी कुसलाता । तो कहुँ देँ काह सुनु भ्राता ॥६॥
 एहि संदेस सरिस जग माहिं । करि बिचार देखेऽ कछु नाहिं ॥
 नाहिन तात उरिन मैं तोही । अब प्रभु चरित सुनायहु मोही ॥७॥
 तब हनुमंत नाइ पद माथा । कहे सकल रघुपति गुन गाथा ॥
 कहुँ कपि कबहुँ कृपाल गोसाई । सुमिरहिं मोहि दास की नाई ॥८॥

छंद

निज दास ज्यों रघुबंसभूषन कबहुँ मम सुमिरन कर यो ।
 सुनि भरत बचन बिनीत अति कपि पुलकित तन चरनन्हि पर यो ॥
 रघुबीर निज मुख जासु गुन गन कहत अग जग नाथ जो ।
 काहे न होइ बिनीत परम पुनीत सदगुन सिंधु सो ॥

दोहा

राम प्रान प्रिय नाथ तुम्ह सत्य बचन मम तात ।
 पुनि पुनि मिलत भरत सुनि हरष न हृदयँ समात ॥२(क)॥

सोरठा

भरत चरन सिरु नाइ तुरित गयठ कपि राम पहिं ।
 कही कुसल सब जाइ हरषि चलेऽ प्रभु जान चढ़ि ॥२(ख)॥

हरषि भरत कोसलपुर आए । समाचार सब गुरहि सुनाए ॥
 पुनि मंदिर महँ बात जनाई । आवत नगर कुसल रघुराई ॥१॥
 सुनत सकल जनर्णी उठि धाई । कहि प्रभु कुसल भरत समुझाई ॥
 समाचार पुरबासिन्ह पाए । नर अरु नारि हरषि सब धाए ॥२॥
 दधि दुर्बा रोचन फल फूला । नव तुलसी दल मंगल मूला ॥
 भरि भरि हेम थार भामिनी । गावत चलिं सिंधु सिंधुरगमिनी ॥३॥
 जे जैसेहिं तैसेहिं उटि धावहिं । बाल बृद्ध कहँ संग न लावहिं ॥
 एक एकन्ह कहँ बूझहि भाई । तुम्ह देखे दयाल रघुराई ॥४॥
 अवधपुरी प्रभु आवत जानी । भई सकल सोभा कै खानी ॥
 बहइ सुहावन त्रिबिध समीरा । भई सरजू अति निर्मल नीरा ॥५॥

दोहा

हरषित गुर परिजन अनुज भूसुर बृंद समेत ।
 चले भरत मन प्रेम अति सन्मुख कृपानिकेत ॥३(क)॥
 बहुतक चढ़ी अटारिन्ह निरखहिं गगन बिमान ।
 देखि मधुर सुर हरषित करहिं सुमंगल गान ॥३(ख)॥
 राका ससि रघुपति पुर सिंधु देखि हरषान ।
 बढ़यो कोलाहल करत जनु नारि तरंग समान ॥३(ग)॥

इहाँ भानुकुल कमल दिवाकर । कपिन्ह देखावत नगर मनोहर ॥
 सुनु कपीस अंगद लंकेसा । पावन पुरी रुचिर यह देसा ॥१॥
 जयपि सब बैकुंठ बखाना । बेद पुरान बिदित जगु जाना ॥
 अवधपुरी सम प्रिय नहिं सोऊ । यह प्रसंग जानझ कोऊ कोऊ ॥२॥
 जन्मभूमि मम पुरी सुहावनि । उत्तर दिसि बह सरजू पावनि ॥
 जा मज्जन ते बिनहिं प्रयासा । मम समीप नर पावहिं बासा ॥३॥
 अति प्रिय मोहि इहाँ के बासी । मम धामदा पुरी सुख रासी ॥
 हरषे सब कपि सुनि प्रभु बानी । धन्य अवध जो राम बखानी ॥४॥

दोहा

आवत देखि लोग सब कृपासिंधु भगवान ।
 नगर निकट प्रभु प्रेरेठ उतरेठ भूमि बिमान ॥४(क)॥
 उतरि कहेठ प्रभु पुष्पकहि तुम्ह कुबेर पहिं जाहु ।
 प्रेरित राम चलेठ सो हरषु बिरहु अति ताहु ॥४(ख)॥

आए भरत संग सब लोगा । कृस तन श्रीरघुबीर बियोगा ॥

बामदेव बसिष्ठ मुनिनायक । देखे प्रभु महि धरि धनु सायक ॥१॥
धाइ धरे गुर चरन सरोरुह । अनुज सहित अति पुलक तनोरुह ॥
भेटि कुसल बूझी मुनिराया । हमरे कुसल तुम्हारिहिं दाया ॥२॥
सकल द्विजन्ह मिलि नायठ माथा । धर्म धुरंधर रघुकुलनाथा ॥
गहे भरत पुनि प्रभु पद पंकज । नमत जिन्हहि सुर मुनि संकर अज ॥३॥
परे भूमि नहिं उठत उठाए । बर करि कृपासिंधु उर लाए ॥
स्यामल गात रोम भए ठाढे । नव राजीव नयन जल बाढे ॥४॥

छंद

राजीव लोचन स्वयत जल तन ललित पुलकावलि बनी ।
अति प्रेम हृदयँ लगाइ अनुजहि मिले प्रभु त्रिभुअन धनी ॥
प्रभु मिलत अनुजहि सोह मो पहिं जाति नहिं उपमा कही ।
जनु प्रेम अरु सिंगर तनु धरि मिले बर सुषमा लही ॥१॥

बूझत कृपानिधि कुसल भरतहि बचन बेगि न आवई ।
सुनु सिवा सो सुख बचन मन ते भिन्न जान जो पावई ॥
अब कुसल कौसलनाथ आरत जानि जन दरसन दियो ।
बूढत बिरह बारीस कृपानिधान मोहि कर गहि लियो ॥२॥

दोहा

पुनि प्रभु हरषि सत्रुहन भेटे हृदयँ लगाइ ।
लछिमन भरत मिले तब परम प्रेम दोठ भाइ ॥५॥

भरतानुज लछिमन पुनि भेटे । दुसह बिरह संभव दुख मेटे ॥
सीता चरन भरत सिरु नावा । अनुज समेत परम सुख पावा ॥१॥
प्रभु बिलोकि हरषे पुरबासी । जनित बियोग बिपति सब नासी ॥
प्रेमातुर सब लोग निहारी । कौतुक कीन्ह कृपाल खरारी ॥२॥
अमित रूप प्रगटे तेहि काला । जथाजोग मिले सबहि कृपाला ॥
कृपादृष्टि रघुबीर बिलोकी । किए सकल नर नारि बिसोकी ॥३॥
छन महि सबहि मिले भगवाना । उमा मरम यह काहुँ न जाना ॥
एहि बिधि सबहि सुखी करि रामा । आर्ग चले सील गुन धामा ॥४॥
कौसल्यादि मातु सब धाई । निरखि बच्छ जनु धेनु लवाई ॥५॥

छंद

जनु धेनु बालक बच्छ तजि गृहँ चरन बन परबस गई ।
दिन अंत पुर रुख स्वयत थन हुंकार करि धावत भई ॥

अति	प्रेम	सब	मातु	भेटी	बचन	मृदु	बहुबिधि	कहे	
गइ	बिषम	बियोग	भव	तिन्ह	हरष	सुख	अग्नित	लहे	॥

दोहा

भेटेऽ तनय सुमित्राँ राम चरन रति जानि ।
 रामहि मिलत कैकेइ हृदयँ बहुत सकुचानि ॥६(क)॥
 लछिमन सब मातन्ह मिलि हरषे आसिष पाइ ।
 कैकेइ कहँ पुनि पुनि मिले मन कर छोभु न जाइ ॥६(ख)॥

सासुन्ह सबनि मिली बैदेही । चरनन्ह लागि हरषु अति तेही ॥
 देहि असीस बूझि कुसलाता । होइ अचल तुम्हार अहिवाता ॥१॥
 सब रघुपति मुख कमल बिलोकहि । मंगल जानि नयन जल रोकहि ॥
 कनक थार आरति उतारहि । बार बार प्रभु गात निहारहि ॥२॥
 नाना भाँति निछावरि करहीं । परमानंद हरष उर भरहीं ॥
 कौसल्या पुनि पुनि रघुबीरहि । चितवति कृपासिंधु रनधीरहि ॥३॥
 हृदयँ बिचारति बारहि बारा । कवन भाँति लंकापति मारा ॥
 अति सुकुमार जुगल मेरे बारे । निसिचर सुभट महाबल भारे ॥४॥

दोहा

लछिमन अरु सीता सहित प्रभुहि बिलोकति मातु ।
 परमानंद मगन मन पुनि पुनि पुलकित गातु ॥७॥

लंकापति कपीस नल नीला । जामवंत अंगद सुभसीला ॥
 हनुमदादि सब बानर बीरा । धरे मनोहर मनुज सरीरा ॥१॥
 भरत सनेह सील ब्रत नेमा । सादर सब बरनहि अति प्रेमा ॥
 देखि नगरबासिन्ह कै रीती । सकल सराहहि प्रभु पद प्रीती ॥२॥
 पुनि रघुपति सब सखा बोलाए । मुनि पद लागहु सकल सिखाए ॥
 गुर बसिष्ठ कुलपूज्य हमारे । इन्ह की कृपाँ दनुज रन मारे ॥३॥
 ए सब सखा सुनहु मुनि मेरे । भए समर सागर कहँ बेरे ॥
 मम हित लागि जन्म इन्ह हारे । भरतहु ते मोहि अधिक पिआरे ॥४॥
 सुनि प्रभु बचन मगन सब भए । निमिष निमिष उपजत सुख नए ॥५॥

दोहा

कौसल्या के चरनन्ह पुनि तिन्ह नायठ माथ ॥
 आसिष दीन्हे हरषि तुम्ह प्रिय मम जिमि रघुनाथ ॥८(क)॥
 सुमन बृष्टि नभ संकुल भवन चले सुखकंद ।

चढ़ी अटारिन्ह देखहिं नगर नारि नर बृंद ॥८(ख)॥

कंचन कलस बिचित्र सँवारे । सबहिं धरे सजि निज निज द्वारे ॥
 बंदनवार पताका केतू । सबन्हि बनाए मंगल हेतू ॥१॥
 बीर्थों सकल सुगंध सिंचाई । गजमनि रचि बहु चौक पुराई ॥
 नाना भाँति सुमंगल साजे । हरषि नगर निसान बहु बाजे ॥२॥
 जहँ तहँ नारि निछावर करहीं । देहिं असीस हरष उर भरहीं ॥
 कंचन थार आरती नाना । जुबती सजें करहिं सुभ गाना ॥३॥
 करहिं आरती आरतिहर कें । रघुकुल कमल बिपिन दिनकर कें ॥
 पुर सोभा संपति कल्याना । निगम सेष सारदा बखाना ॥४॥
 तेऽ यह चरित देखि ठगि रहहीं । उमा तासु गुन नर किमि कहहीं ॥५॥

दोहा

नारि कुमुदिनीं अवध सर रघुपति विरह दिनेस ।
 अस्त भएँ बिगसत भई निरखि राम राकेस ॥९(क)॥
 होहिं सगुन सुभ बिबिध बिधि बाजहिं गगन निसान ।
 पुर नर नारि सनाथ करि भवन चले भगवान ॥९(ख)॥

प्रभु जानी कैकेई लजानी । प्रथम तासु गृह गए भवानी ॥
 ताहि प्रबोधि बहुत सुख दीन्हा । पुनि निज भवन गवन हरि कीन्हा ॥१॥
 कृपासिंधु जब मंदिर गए । पुर नर नारि सुखी सब भए ॥
 गुर बसिष्ट द्विज लिए बुलाई । आजु सुधरी सुदिन समुदाई ॥२॥
 सब द्विज देहु हरषि अनुसासन । रामचंद्र बैठहिं सिंघासन ॥
 मुनि बसिष्ट के बचन सुहाए । सुनत सकल बिप्रन्ह अति भाए ॥३॥
 कहहिं बचन मृदु बिप्र अनेका । जग अभिराम राम अभिषेका ॥
 अब मुनिबर बिलंब नहिं कीजे । महाराज कहूं तिलक करीजै ॥४॥

दोहा

तब मुनि कहेठ सुमंत्र सन सुनत चलेठ हरषाई ।
 रथ अनेक बहु बाजि गज तुरत सँवारे जाइ ॥१०(क)॥
 जहँ तहँ धावन पठइ पुनि मंगल द्रव्य मगाई ।
 हरष समेत बसिष्ट पद पुनि सिरु नायठ आइ ॥१०(ख)॥

नवान्हपारायण, आठवाँ विश्राम

अवधपुरी अति रुचिर बनाई । देवन्ह सुमन बृष्टि झरि लाई ॥

राम कहा सेवकन्ह बुलाई । प्रथम सखन्ह अन्हवाहु जाई ॥१॥
 सुनत बचन जहँ तहँ जन धाए । सुगीवादि तुरत अन्हवाए ॥
 पुनि करुनानिधि भरतु हँकरे । निज कर राम जटा निरुआरे ॥२॥
 अन्हवाए प्रभु तीनिठ भाई । भगत बछल कृपाल रघुराई ॥
 भरत भाग्य प्रभु कोमलताई । सेष कोटि सत सकहिं न गाई ॥३॥
 पुनि निज जटा राम बिवराए । गुर अनुसासन मागि नहाए ॥
 करि मज्जन प्रभु भूषन साजे । अंग अनंग देखि सत लाजे ॥४॥

दोहा

सासुन्ह सादर जानकिहि मज्जन तुरत कराइ ।
 दिव्य बसन बर भूषन अँग अँग सजे बनाइ ॥११(क)॥
 राम बाम दिसि सोभति रमा रूप गुन खानि ।
 देखि मातु सब हरणीं जन्म सुफल निज जानि ॥११(ख)॥
 सुनु खगेस तेहि अवसर ब्रह्मा सिव मुनि बृंद ।
 चढ़ि बिमान आए सब सुर देखन सुखकंद ॥११(ग)॥

प्रभु बिलोकि मुनि मन अनुरागा । तुरत दिव्य सिंघासन मागा ॥
 रबि सम तेज सो बरनि न जाई । बैठे राम द्विजन्ह सिरु नाई ॥१॥
 जनकसुता समेत रघुराई । पेखि प्रहरषे मुनि समुदाई ॥
 बेद मंत्र तब द्विजन्ह उचारे । नभ सुर मुनि जय जयति पुकारे ॥२॥
 प्रथम तिलक बसिष्ठ मुनि कीन्हा । पुनि सब बिप्रन्ह आयसु दीन्हा ॥
 सुत बिलोकि हरणीं महतारी । बार बार आरती उतारी ॥३॥
 बिप्रन्ह दान बिबिध बिधि दीन्हे । जाचक सकल अजाचक कीन्हे ॥
 सिंघासन पर त्रिभुअन साई । देखि सुरन्ह दुंदुभीं बजाई ॥४॥

छंद

नभ	दुंदुभीं	बाजहिं	बिपुल	गंधर्ब	किंनर	गावहीं	।		
नाचहिं	अपछरा	बृंद	परमानंद	सुर	मुनि	पावहीं	॥		
भरतादि	अनुज	बिभीषनांगद	हनुमदादि	समेत	ते		।		
गहे	छत्र	चामर	व्यजन	धनु	असि	चर्म	सक्ति विराजते	॥१॥	
श्री	सहित	दिनकर	बंस	बूषन	काम	बहु	छबि	सोहई	।
नव	अंबुधर	बर	गात	अंबर	पीत	सुर	मन	मोहई	॥
मुकुटांगदादि	बिचित्र	भूषन	अंग	अंगन्हि	प्रति	सजे		।	
अंभोज	नयन	बिसाल	उर	भुज	धन्य	नर	निरखंति	जे	॥२॥

दोहा

वह सोभा समाज सुख कहत न बनइ खगेस ।
 बरनहिं सारद सेष श्रुति सो रस जान महेस ॥१२(क)॥
 भिन्न भिन्न अस्तुति करि गए सुर निज निज धाम ।
 बंदी बेष बेद तब आए जहँ श्रीराम ॥१२(ख)॥
 प्रभु सर्वग्य कीन्ह अति आदर कृपानिधान ।
 लखेठ न काहुँ मरम कछु लगे करन गुन गान ॥१२(ग)॥

छंद

जय	सगुन	निर्गुन	रूप	अनूप	भूप	सिरोमने	।		
दसकंधरादि	प्रचंड	निसिचर	प्रबल	खल	भुज	बल	हने ॥		
अवतार	नर	संसार	भार	बिभंजि	दारुन	दुख	दहे ।		
जय	प्रनतपाल	दयाल	प्रभु	संजुक्त	सक्ति	नमामहे	॥१॥		
तव	बिषम	माया	बस	सुरासुर	नाग	नर	अग	जग	हरे ।
भव	पंथ	भ्रमत	अमित	दिवस	निसि	काल	कर्म	गुननि	भरे ॥
जे	नाथ	करि	करुना	बिलोके	त्रिबिधि	दुख	ते	निर्बहे	।
भव	खेद	छेदन	दच्छ	हम	कहुँ	रच्छ	राम	नमामहे	॥२॥
जे	ग्यान	मान	बिमत	तव	भव	हरनि	भक्ति	न	आदरी ।
ते	पाइ	सुर	दुर्लभ	पदादपि	परत	हम	देखत	हरी ॥	
बिस्वास	करि	सब	आस	परिहरि	दास	तव	जे	होइ	रहे ।
जपि	नाम	तव	बिनु	श्रम	तरहिं	भव	नाथ	सो	समरामहे ॥३॥
जे	चरन	सिव	अज	पूज्य	रज	सुभ	परसि	मुनिपतिनी	तरी ।
नख	निर्गता	मुनि	बंदिता	त्रेलोक	पावनि	सुरसरी			॥
ध्वज	कुलिस	अंकुस	कंज	जुत	बन	फिरत	कंटक	किन	लहे ।
पद	कंज	द्वंद	मुकुंद	राम	रमेस	नित्य	भजामहे		॥४॥
अब्यक्तमूलमनादि		तरु	त्वच	चारि	निगमागम	भने			।
षट	कंथ	साखा	पंच	बीस	अनेक	पर्न	सुमन	घने	॥
फल	जुगल	बिधि	कटु	मधुर	बेलि	अकेलि	जेहि	आश्रित	रहे ।
पल्लवत	फूलत		नवल	नित	संसार	बिटप	नमामहे		॥५॥
जे	ब्रह्म		अजमदैतमनुभवगम्य		मनपर	६यावहीं			।
ते	कहहुँ	जानहुँ	नाथ	हम	तव	सगुन	जस	नित	गावहीं ॥

करुनायतन	प्रभु	सदगुनाकर	देव	यह	बर	मागर्हीं	।		
मन	बचन	कर्म	बिकार	तजि	तव	चरन	हम	अनुरागर्हीं	॥६॥

दोहा

सब के देखत बेदन्ह बिनती कीन्हि उदार ।
 अंतर्धान भए पुनि गए ब्रह्म आगार ॥१३(क)॥
 बैनतेय सुनु संभु तब आए जहँ रघुबीर ।
 बिनय करत गदगद गिरा पूरित पुलक सरीर ॥१३(ख)॥

छंद

जय राम रमारमनं समनं । भव ताप भयाकुल पाहि जनं ॥
 अवधेस सुरेस रमेस बिभो । सरनागत मागत पाहि प्रभो ॥१॥
 दससीस बिनासन बीस भुजा । कृत दूरि महा महि भूरि रुजा ॥
 रजनीचर बृंद पतंग रहे । सर पावक तेज प्रचंद दहे ॥२॥
 महि मंडल मंडन चारुतरं । धृत सायक चाप निषंग बरं ॥
 मद मोह महा ममता रजनी । तम पुंज दिवाकर तेज अनी ॥३॥
 मनजात किरात निपात किए । मृग लोग कुभोग सरेन हिए ॥
 हति नाथ अनाथनि पाहि हरे । बिषया बन पावँ भूलि परे ॥४॥
 बहु रोग बियोगन्हि लोग हए । भवदंघि निरादर के फल ए ॥
 भव सिंधु अगाध परे नर ते । पद पंकज प्रेम न जे करते ॥५॥
 अति दीन मलीन दुखी नितहीं । जिन्ह के पद पंकज प्रीति नहीं ॥
 अवलंब भवंत कथा जिन्ह के ॥ प्रिय संत अनंत सदा तिन्ह के ॥६॥
 नहिं राग न लोभ न मान मदा ॥ तिन्ह के सम बैभव वा बिपदा ॥
 एहि ते तव सेवक होत मुदा । मुनि त्यागत जोग भरोस सदा ॥७॥
 करि प्रेम निरंतर नेम लिएँ । पद पंकज सेवत सुद्ध हिएँ ॥
 सम मानि निरादर आदरही । सब संत सुखी बिचरंति मही ॥८॥
 मुनि मानस पंकज भृंग भजे । रघुबीर महा रनधीर अजे ॥
 तव नाम जपामि नमामि हरी । भव रोग महागद मान अरी ॥९॥
 गुन सील कृपा परमायतनं । प्रनमामि निरंतर श्रीरमनं ॥
 रघुनंद निकंदय द्वन्द्वघनं । महिपाल बिलोकय दीन जनं ॥१०॥

दोहा

बार बार बर मागँ हरषि देहु श्रीरंग ।
 पद सरोज अनपायनी भगति सदा सतसंग ॥१४(क)॥
 बरनि उमापति राम गुन हरषि गए कैलास ।
 तब प्रभु कपिन्ह दिवाए सब बिधि सुखप्रद बास ॥१४(ख)॥

सुनु खगपति यह कथा पावनी । त्रिविध ताप भव भय दावनी ॥
 महाराज कर सुभ अभिषेका । सुनत लहहिं नर बिरति बिबेका ॥१॥
 जे सकाम नर सुनहिं जे गावहिं । सुख संपति नाना बिधि पावहिं ॥
 सुर दुर्लभ सुख करि जग माहीं । अंतकाल रघुपति पुर जाहीं ॥२॥
 सुनहिं बिमुक्त बिरत अरु विष्वई । लहहिं भगति गति संपति नई ॥
 खगपति राम कथा मैं बरनी । स्वमति बिलास त्रास दुख हरनी ॥३॥
 बिरति बिबेक भगति दृढ करनी । मोह नदी कहँ सुंदर तरनी ॥
 नित नव मंगल कौसलपुरी । हरषित रहहिं लोग सब कुरी ॥४॥
 नित नइ प्रीति राम पद पंकज । सबके जिन्हहि नमत सिव मुनि अज ॥
 मंगन बहु प्रकार पहिराए । द्विजन्ह दान नाना बिधि पाए ॥५॥

दोहा

ब्रह्मानंद मगन कपि सब के प्रभु पद प्रीति ।
 जात न जाने दिवस तिन्ह गए मास षट बीति ॥१५॥

बिसरे गृह सपनेहुँ सुधि नाहीं । जिमि परद्रोह संत मन माही ॥
 तब रघुपति सब सखा बोलाए । आइ सबन्ह सादर सिरु नाए ॥१॥
 परम प्रीति समीप बैठारे । भगत सुखद मृदु बचन उचारे ॥
 तुम्ह अति कीन्ह मोरि सेवकाई । मुख पर केहि बिधि करौं बडाई ॥२॥
 ताते मोहि तुम्ह अति प्रिय लागे । मम हित लागि भवन सुख त्यागे ॥
 अनुज राज संपति बैदेही । देह गेह परिवार सनेही ॥३॥
 सब मम प्रिय नहिं तुम्हहि समाना । मृषा न कहतँ मोर यह बाना ॥
 सब के प्रिय सेवक यह नीती । मोरे अधिक दास पर प्रीती ॥४॥

दोहा

अब गृह जाहु सखा सब भजेहु मोहि दृढ नेम ।
 सदा सर्बगत सर्बहित जानि करेहु अति प्रेम ॥१६॥

सुनि प्रभु बचन मगन सब भए । को हम कहाँ बिसरि तन गए ॥
 एकटक रहे जोरि कर आगे । सकहिं न कछु कहि अति अनुरागे ॥१॥
 परम प्रेम तिन्ह कर प्रभु देखा । कहा बिबिध बिधि ग्यान बिसेषा ॥
 प्रभु सन्मुख कछु कहन न पारहिं । पुनि पुनि चरन सरोज निहारहिं ॥२॥
 तब प्रभु भूषन बसन मगाए । नाना रंग अनूप सुहाए ॥
 सुग्रीवहि प्रथमहिं पहिराए । बसन भरत निज हाथ बनाए ॥३॥
 प्रभु प्रेरित लछिमन पहिराए । लंकापति रघुपति मन भाए ॥

अंगद बैठ रहा नहिं डोला । प्रीति देखि प्रभु ताहि न बोला ॥४॥

दोहा

जामवंत नीलादि सब पहिराए रघुनाथ ।
हियँ धरि राम रूप सब चले नाइ पद माथ ॥१७(क)॥
तब अंगद उठि नाइ सिरु सजल नयन कर जोरि ।
अति बिनीत बोलेत बचन मनहुँ प्रेम रस बोरि ॥१७(ख)॥

सुनु सर्बग्य कृपा सुख सिंधो । दीन दयाकर आरत बंधो ॥
मरती बेर नाथ मोहि बाली । गयठ तुम्हारेहि कोंछें घाली ॥१॥
असरन सरन बिरदु संभारी । मोहि जनि तजहु भगत हितकारी ॥
मारै तुम्ह प्रभु गुर पितु माता । जाऊँ कहाँ तजि पद जलजाता ॥२॥
तुम्हहि बिचारि कहहु नरनाहा । प्रभु तजि भवन काज मम काहा ॥
बालक ज्यान बुद्धि बल हीना । राखहु सरन नाथ जन दीना ॥३॥
नीचि टहल गृह कै सब करिहूँ । पद पंकज बिलोकि भव तरिहूँ ॥
अस कहि चरन परेत प्रभु पाही । अब जनि नाथ कहहु गृह जाही ॥४॥

दोहा

अंगद बचन बिनीत सुनि रघुपति करुना सींव ।
प्रभु उठाइ उर लायठ सजल नयन राजीव ॥१८(क)॥
निज उर माल बसन मनि बालितनय पहिराइ ।
बिदा कीन्हि भगवान तब बहु प्रकार समुझाइ ॥१८(ख)॥

भरत अनुज सौमित्र समेता । पठवन चले भगत कृत चेता ॥
अंगद हृदयँ प्रेम नहिं थोरा । फिरि फिरि चितव राम कीं ओरा ॥१॥
बार बार कर दंड प्रनामा । मन अस रहन कहहिं मोहि रामा ॥
राम बिलोकनि बोलनि चलनी । सुमिरि सुमिरि सोचत हँसि मिलनी ॥२॥
प्रभु रुख देखि बिनय बहु भाषी । चलेत हृदयँ पद पंकज राखी ॥
अति आदर सब कपि पहुँचाए । भाइन्ह सहित भरत पुनि आए ॥३॥
तब सुग्रीव चरन गहि नाना । भाँति बिनय कीन्हे हनुमाना ॥
दिन दस करि रघुपति पद सेवा । पुनि तव चरन देखिहूँ देवा ॥४॥
पुन्य पुंज तुम्ह पवनकुमारा । सेवहु जाइ कृपा आगारा ॥
अस कहि कपि सब चले तुरंता । अंगद कहइ सुनहु हनुमंता ॥५॥

दोहा

कहेहु दंडवत प्रभु सैं तुम्हहि कहउँ कर जोरि ।

बार बार रघुनायकहि सुरति कराएहु मोरि ॥१९(क)॥
 अस कहि चलेठ बालिसुत फिरि आयठ हनुमंत ।
 तासु प्रीति प्रभु सन कहि मगन भए भगवंत ॥१९(ख)॥
 कुलिसहु चाहि कठोर अति कोमल कुसुमहु चाहि ।
 चित खगेस राम कर समुझि परइ कहु काहि ॥१९(ग)॥

पुनि कृपाल लियो बोलि निषादा । दीन्हे भूषन बसन प्रसादा ॥
 जाहु भवन मम सुमिरन करेहू । मन क्रम बचन धर्म अनुसरेहू ॥१॥
 तुम्ह मम सखा भरत सम भाता । सदा रहेहु पुर आवत जाता ॥
 बचन सुनत उपजा सुख भारी । परेठ चरन भरि लोचन बारी ॥२॥
 चरन नलिन उर धरि गृह आवा । प्रभु सुभाऊ परिजनन्हि सुनावा ॥
 रघुपति चरित देखि पुरबासी । पुनि पुनि कहहि धन्य सुखरासी ॥३॥
 राम राज बैठे त्रेलोका । हरषित भए गए सब सोका ॥
 बयरु न कर काहू सन कोई । राम प्रताप बिषमता खोई ॥४॥

दोहा

बरनाश्रम निज निज धरम बनिरत बेद पथ लोग ।
 चलहिं सदा पावहि सुखहि नहिं भय सोक न रोग ॥२०॥

दैहिक दैविक भौतिक तापा । राम राज नहिं काहुहि व्यापा ॥
 सब नर करहिं परस्पर प्रीती । चलहिं स्वधर्म निरत श्रुति नीती ॥१॥
 चारिठ चरन धर्म जग माहीं । पूरि रहा सपनेहुँ अघ नाहीं ॥
 राम भगति रत नर अरु नारी । सकल परम गति के अधिकारी ॥२॥
 अल्पमृत्यु नहिं कवनिठ पीरा । सब सुंदर सब बिरुज सरीरा ॥
 नहिं दरिद्र कोउ दुखी न दीना । नहिं कोउ अबुध न लच्छन हीना ॥३॥
 सब निर्दभ धर्मरत पुनी । नर अरु नारि चतुर सब गुनी ॥
 सब गुनग्य पंडित सब ज्यानी । सब कृतग्य नहिं कपट सयानी ॥४॥

दोहा

राम राज नभगेस सुनु सचराचर जग माहिं ॥
 काल कर्म सुभाव गुन कृत दुख काहुहि नाहिं ॥२१॥

भूमि सस सागर मेखला । एक भूप रघुपति कोसला ॥
 भुअन अनेक रोम प्रति जासू । यह प्रभुता कछु बहुत न तासू ॥१॥
 सो महिमा समुझत प्रभु केरी । यह बरनत हीनता घनेरी ॥
 सोउ महिमा खगेस जिन्ह जानी । फिरी एहिं चरित तिन्हहुँ रति मानी॥२॥

सोऽ जाने कर फल यह लीला । कहहिं महा मुनिबर दमसीला ॥
 राम राज कर सुख संपदा । बरनि न सकइ फनीस सारदा ॥३॥
 सब उदार सब पर उपकारी । विप्र चरन सेवक नर नारी ॥
 एकनारि ब्रत रत सब झारी । ते मन बच क्रम पति हितकारी ॥४॥

दोहा

दंड जतिन्ह कर भेद जहँ नर्तक नृत्य समाज ।
 जीतहु मनहि सुनिअ अस रामचंद्र के राज ॥२२॥

फूलहिं फरहिं सदा तरु कानन । रहहि एक सँग गज पंचानन ॥
 खग मृग सहज बयरु बिसराई । सबन्हि परस्पर प्रीति बढाई ॥१॥
 कूजहिं खग मृग नाना बृंदा । अभय चरहिं बन करहिं अनंदा ॥
 सीतल सुरभि पवन बह मंदा । गूंजत अलि लै चलि मकरंदा ॥२॥
 लता बिटप माँगे मधु चवहीं । मनभावतो धेनु पय स्ववहीं ॥
 ससि संपन्न सदा रह धरनी । त्रेताँ भइ कृतजुग के करनी ॥३॥
 प्रगटीं गिरिन्ह बिबिध मनि खानी । जगदातमा भूप जग जानी ॥
 सरिता सकल बहहि बर बारी । सीतल अमल स्वाद सुखकारी ॥४॥
 सागर निज मरजादाँ रहहीं । डारहि रल तटन्ह नर लहहीं ॥
 सरसिज संकुल सकल तडागा । अति प्रसन्न दस दिसा बिभागा ॥५॥

दोहा

बिधु महि पूर मयूखन्हि रवि तप जेतनेहि काज ।
 माँगे बारिद देहि जल रामचंद्र के राज ॥२३॥

कोटिन्ह बाजिमेथ प्रभु कीन्हे । दान अनेक द्विजन्ह कहँ दीन्हे ॥
 श्रुति पथ पालक धर्म धुरंधर । गुनातीत अरु भोग पुरंदर ॥१॥
 पति अनुकूल सदा रह सीता । सोभा खानि सुसील बिनीता ॥
 जानति कृपासिंधु प्रभुताई । सेवति चरन कमल मन लाई ॥२॥
 जद्यपि गृहं सेवक सेवकिनी । विपुल सदा सेवा बिधि गुनी ॥
 निज कर गृह परिचरजा करई । रामचंद्र आयसु अनुसरई ॥३॥
 जेहि बिधि कृपासिंधु सुख मानइ । सोइ कर श्री सेवा बिधि जानइ ॥
 कौसल्यादि सासु गृह मार्हीं । सेवइ सबन्हि मान मद नार्हीं ॥४॥
 उमा रमा ब्रह्मादि बंदिता । जगदंबा संततमनिंदिता ॥५॥

दोहा

जासु कृपा कटाच्छु सुर चाहत चितव न सोइ ।

राम पदारबिंद रति करति सुभावहि खोइ ॥२४॥

सेवहिं सानकूल सब भाई । राम चरन रति अति अधिकाई ॥
 प्रभु मुख कमल विलोकत रहहीं । कबहुँ कृपाल हमहि कछु कहहीं ॥१॥
 राम करहि भ्रातन्ह पर प्रीती । नाना भाँति सिखावहिं नीती ॥
 हरषित रहहिं नगर के लोगा । करहिं सकल सुर दुर्लभ भोगा ॥२॥
 अहनिसि बिधिहि मनावत रहहीं । श्रीरघुबीर चरन रति चहरीं ॥
 दुइ सुत सुन्दर सीताँ जाए । लव कुस बेद पुरानन्ह गाए ॥३॥
 दोउ बिजई बिनई गुन मंदिर । हरि प्रतिबिंब मनहुँ अति सुंदर ॥
 दुइ दुइ सुत सब भ्रातन्ह केरे । भए रूप गुन सील घनेरे ॥४॥

दोहा

ज्यान गिरा गोतीत अज माया मन गुन पार ।
 सोइ सच्चिदानन्द घन कर नर चरित उदार ॥२५॥

प्रातकाल सरठ करि मज्जन । बैठहिं सभाँ संग द्विज सज्जन ॥
 बेद पुरान बसिष्ट बखानहिं । सुनहिं राम जयपि सब जानहिं ॥१॥
 अनुजन्ह संजुत भोजन करहीं । देखि सकल जनर्णीं सुख भरहीं ॥
 भरत सत्रुहन दोनठ भाई । सहित पवनसुत उपबन जाई ॥२॥
 बूझाहि बैठि राम गुन गाहा । कह हनुमान सुमति अवगाहा ॥
 सुनत बिमल गुन अति सुख पावहिं । बहुरि बहुरि करि बिनय कहावहिं ॥३॥
 सब के गृह गृह होहिं पुराना । रामचरित पावन विधि नाना ॥
 नर अरु नारि राम गुन गानहिं । करहिं दिवस निसि जात न जानहिं ॥४॥

दोहा

अवधपुरी बासिन्ह कर सुख संपदा समाज ।
 सहस सेष नहिं कहि सकहिं जहुँ नृप राम बिराज ॥२६॥

नारदादि सनकादि मुनीसा । दरसन लागि कोसलाधीसा ॥
 दिन प्रति सकल अजोध्या आवहिं । देखि नगरु बिरागु बिसरावहिं ॥१॥
 जातरूप मनि रचित अटारीं । नाना रंग रुचिर गच ढारीं ॥
 पुर चहुँ पास कोट अति सुंदर । रचे कँगूरा रंग रंग बर ॥२॥
 नव ग्रह निकर अनीक बनाई । जनु धेरी अमरावति आई ॥
 महि बहु रंग रचित गच काँचा । जो बिलोकि मुनिबर मन नाचा ॥३॥
 धवल धाम ऊपर नभ चुंबत । कलस मनहुँ रबि ससि दुति निंदत ॥
 बहु मनि रचित झरोखा भ्राजहिं । गृह गृह प्रति मनि दीप बिराजहिं ॥४॥

छंद

मनि	दीप	राजहिं	भवन	भाजहिं	देहरी	बिद्रुम	रची		
मनि	खंभ	भीति	बिरंचि	बिरची	कनक	मनि	मरकत	खची	॥
सुंदर	मनोहर	मंदिरायत		अजिर	रुचिर	फटिक	रचे		
प्रति	द्वार	द्वार	कपाट	पुरट	बनाइ	बहु	बज्जन्हि	खचे	॥

दोहा

चारु चित्रसाला गृह गृह प्रति लिखे बनाइ |
राम चरित जे निरख मुनि ते मन लेहिं चोराइ ॥२७॥

सुमन	बाटिका	सबहिं	लगाई		बिबिध	भाँति	करि	जतन	बनाई	॥	
लता	ललित	बहु	जाति	सुहाई		फूलहिं	सदा	बंसत	कि	नाई	॥१॥
गुंजत	मधुकर	मुखर	मनोहर		मारुत	त्रिविधि	सदा	बह	सुंदर	॥	
नाना	खग	बालकन्हि	जिआए		बोलत	मधुर	उड़ात	सुहाए		॥२॥	
मोर	हंस	सारस	पारावत		भवननि	पर	सोभा	अति	पावत	॥	
जहँ	तहँ	देखहिं	निज	परिछाहीं		बहु	बिधि	कूजहिं	नृत्य	कराहीं	॥३॥
सुक	सारिका	पढावहिं	बालक		कहहु	राम	रघुपति	जनपालक			
राज	दुआर	सकल	बिधि	चारु		बीर्थी	चौहट	रुचिर	बजारु	॥४॥	

छंद

बाजार	रुचिर	न	बनइ	बरनत	बस्तु	बिनु	गथ	पाइए		
जहँ	भूप	रमानिवास	तहँ	की	संपदा	किमि	गाइए		॥	
बैठे	बजाज	सराफ	बनिक	अनेक	मनहुँ	कुबेर	ते			
सब	सुखी	सब	सच्चरित	सुंदर	नारि	नर	सिसु	जरठ	जे	॥

दोहा

उत्तर दिसि सरजू बह निर्मल जल गंभीर |
बाँधे घाट मनोहर स्वल्प पंक नहिं तीर ॥२८॥

दूरि	फराक	रुचिर	सो घाटा		जहँ	जल	पिअहिं	बाजि	गज	ठाटा	॥
पनिघट	परम	मनोहर	नाना		तहाँ	न	पुरुष	करहिं	अस्नाना		॥१॥
राजघाट	सब	बिधि	सुंदर बर		मज्जहिं	तहाँ	बरन	चारिठ	नर		
तीर	तीर	देवन्ह	के मंदिर		चहुँ	दिसि	तिन्ह	के उपबन	सुंदर		॥२॥
कहुँ	कहुँ	सरिता	तीर उदासी		बसहिं	ग्यान	रत	मुनि	संन्यासी		
तीर	तीर	तुलसिका	सुहाई		बृंद	बृंद	बहु	मुनिन्ह	लगाई		॥३॥

पुर सोभा कदु बरनि न जाई । बाहेर नगर परम रुचिराई ॥
देखत पुरी अखिल अघ भागा । बन उपबन बापिका तड़ागा ॥४॥

छंद

बार्पी	तड़ाग	अनूप	कूप	मनोहरायत	सोहर्णी			
सोपान	सुंदर	नीर	निर्मल	देखि	सुर	मुनि	मोहर्णी	॥
बहु	रंग	कंज	अनेक	खग	कूजहि	मधुप	गुंजारहर्णी	
आराम	रम्य	पिकादि	खग	रव	जनु	पथिक	हंकारहर्णी	॥

दोहा

रमानाथ जहँ राजा सो पुर बरनि कि जाइ ।
अनिमादिक सुख संपदा रहीं अवध सब छाइ ॥२९॥

जहँ तहँ नर रघुपति गुन गावहि । बैठि परसपर इहइ सिखावहि ॥
भजहु प्रनत प्रतिपालक रामहि । सोभा सील रूप गुन धामहि ॥१॥
जलज बिलोचन स्यामल गातहि । पलक नयन इव सेवक त्रातहि ॥
धृत सर रुचिर चाप तूनीरहि । संत कंज बन रबि रनधीरहि ॥२॥
काल कराल व्याल खगराजहि । नमत राम अकाम ममता जहि ॥
लोभ मोह मृगजूथ किरातहि । मनसिज करि हरि जन सुखदातहि ॥३॥
संसय सोक निहिड़ तम भानुहि । दनुज गहन घन दहन कृसानुहि ॥
जनकसुता समेत रघुबीरहि । कस न भजहु भंजन भव भीरहि ॥४॥
बहु बासना मसक हिम रासिहि । सदा एकरस अज अबिनासिहि ॥
मुनि रंजन भंजन महि भारहि । तुलसिदास के प्रभुहि उदारहि ॥५॥

दोहा

एहि बिधि नगर नारि नर करहि राम गुन गान ।
सानुकूल सब पर रहहि संतत कृपानिधान ॥३०॥

जब ते राम प्रताप खगेसा । उदित भयठ अति प्रबल दिनेसा ॥
पूरि प्रकास रहेठ तिहुँ लोका । बहुतेन्ह सुख बहुतन मन सोका ॥१॥
जिनहि सोक ते कहूँ बखानी । प्रथम अविद्या निसा नसानी ॥
अघ उलूक जहँ तहाँ लुकाने । काम क्रोध कैरव सकुचाने ॥२॥
बिबिध कर्म गुन काल सुभाऊ । ए चकोर सुख लहहि न काऊ ॥
मत्सर मान मोह मद चोरा । इन्ह कर हुनर न कवनिहुँ ओरा ॥३॥
धरम तड़ाग ग्यान बिग्याना । ए पंकज विकसे बिधि नाना ॥
सुख संतोष बिराग बिबेका । बिगत सोक ए कोक अनेका ॥४॥

दोहा

यह प्रताप रबि जाकें उर जब करइ प्रकास ।
पछिले बाढ़हिं प्रथम जे कहे ते पावहिं नास ॥३१॥

भ्रातन्ह सहित रामु एक बारा । संग परम प्रिय पवनकुमारा ॥
सुंदर उपबन देखन गए । सब तरु कुसुमित पल्लव नए ॥१॥
जानि समय सनकादिक आए । तेज पुंज गुन सील सुहाए ॥
ब्रह्मानंद सदा लयलीना । देखत बालक बहुकालीना ॥२॥
रूप धरें जनु चारिठ बेदा । समदरसी मुनि बिगत बिभेदा ॥
आसा बसन व्यसन यह तिन्हर्हीं । रघुपति चरित होइ तहं सुनहीं ॥३॥
तहाँ रहे सनकादि भवानी । जहँ घटसंभव मुनिबर ज्यानी ॥
राम कथा मुनिबर बहु बरनी । ज्यान जोनि पावक जिमि अरनी ॥४॥

दोहा

देखि राम मुनि आवत हरषि दंडवत कीन्ह ।
स्वागत पूँछि पीत पट प्रभु बैठन कहँ दीन्ह ॥३२॥

कीन्ह दंडवत तीनिँ भाई । सहित पवनसुत सुख अधिकाई ॥
मुनि रघुपति छबि अतुल बिलोकी । भए मगन मन सके न रोकी ॥१॥
स्यामल गात सरोरुह लोचन । सुंदरता मंदिर भव मोचन ॥
एकटक रहे निमेष न लावहिं । प्रभु कर जोरे सीस नवावहिं ॥२॥
तिन्ह कै दसा देखि रघुबीरा । स्वत नयन जल पुलक सरीरा ॥
कर गहि प्रभु मुनिबर बैठारे । परम मनोहर बचन उचारे ॥३॥
आजु धन्य मैं सुनहु मुनीसा । तुम्हरे दरस जाहिं अघ खीसा ॥
बडे भाग पाइब सतसंगा । बिनहिं प्रयास होहिं भव भंगा ॥४॥

दोहा

संत संग अपबर्ग कर कामी भव कर पंथ ।
कहहि संत कबि कोबिद श्रुति पुरान सदग्रंथ ॥३३॥

सुनि प्रभु बचन हरषि मुनि चारी । पुलकित तन अस्तुति अनुसारी ॥
जय भगवंत अनंत अनामय । अनघ अनेक एक करुनामय ॥१॥
जय निर्गुन जय जय गुन सागर । सुख मंदिर सुंदर अति नागर ॥
जय इंदिरा रमन जय भूधर । अनुपम अज अनादि सोभाकर ॥२॥
ज्यान निधान अमान मानप्रद । पावन सुजस पुरान बेद बद ॥

तग्य कृतग्य अग्यता भंजन । नाम अनेक अनाम निरंजन ॥३॥
 सर्ब सर्बगत सर्व उरालय । वससि सदा हम कहुँ परिपालय ॥
 द्वंद बिपति भव फंद बिभंजय । ह्रदि बसि राम काम मद गंजय ॥४॥

दोहा

परमानंद कृपायतन मन परिपूरन काम ।
 प्रेम भगति अनपायनी देहु हमहि श्रीराम ॥३४॥

देहु भगति रघुपति अति पावनि । त्रिबिध ताप भव दाप नसावनि ॥
 प्रनत काम सुरधेनु कलपतरु । होइ प्रसन्न दीजै प्रभु यह बरु ॥१॥
 भव बारिधि कुंभज रघुनायक । सेवत सुलभ सकल सुख दायक ॥
 मन संभव दारुन दुख दारय । दीनबंधु समता बिस्तारय ॥२॥
 आस त्रास इरिषादि निवारक । बिनय बिबेक बिरति बिस्तारक ॥
 भूप मौलि मन मंडन धरनी । देहि भगति संसृति सरि तरनी ॥३॥
 मुनि मन मानस हंस निरंतर । चरन कमल बंदित अज संकर ॥
 रघुकुल केतु सेतु श्रुति रच्छक । काल करम सुभाऊ गुन भच्छक ॥४॥
 तारन तरन हरन सब दूषन । तुलसिदास प्रभु त्रिभुवन भूषन ॥५॥

दोहा

बार बार अस्तुति करि प्रेम सहित सिरु नाइ ।
 ब्रह्म भवन सनकादि गे अति अभीष्ट बर पाइ ॥३५॥

सनकादिक विधि लोक सिधाए । भ्रातन्ह राम चरन सिरु नाए ॥
 पूछत प्रभुहि सकल सकुचाहीं । चितवहिं सब मारुतसुत पाहीं ॥१॥
 सुनि चहहिं प्रभु मुख कै बानी । जो सुनि होइ सकल भ्रम हानी ॥
 अंतरजामी प्रभु सभ जाना । बूझत कहुँ काह हनुमाना ॥२॥
 जोरि पानि कह तब हनुमंता । सुनहु दीनदयाल भगवंता ॥
 नाथ भरत कछु पूँछन चहहीं । प्रस्न करत मन सकुचत अहहीं ॥३॥
 तुम्ह जानहु कपि मोर सुभाऊ । भरतहि मोहि कछु अंतर काऊ ॥
 सुनि प्रभु बचन भरत गहे चरना । सुनहु नाथ प्रनतारति हरना ॥४॥

दोहा

नाथ न मोहि संदेह कछु सपनेहुँ सोक न मोह ।
 केवल कृपा तुम्हारिहि कृपानंद संदोह ॥३६॥

करऊँ कृपानिधि एक ढिठाई । मैं सेवक तुम्ह जन सुखदाई ॥

संतन्ह कै महिमा रघुराई । बहु बिधि बेद पुरानन्ह गाई ॥१॥
 श्रीमुख तुम्ह पुनि कीन्हि बङ्गाई । तिन्ह पर प्रभुहि प्रीति अधिकाई ॥
 सुना चहाँ प्रभु तिन्ह कर लच्छन । कृपासिंधु गुन ग्यान विच्छन ॥२॥
 संत असंत भेद बिलगाई । प्रनतपाल मोहि कहहु बुझाई ॥
 संतन्ह के लच्छन सुनु भाता । अग्नित श्रुति पुरान बिख्याता ॥३॥
 संत असंतन्हि कै असि करनी । जिमि कुठार चंदन आचरनी ॥
 काटइ परसु मलय सुनु भाई । निज गुन देइ सुगंध बसाई ॥४॥

दोहा

ताते सुर सीसन्ह चढत जग बल्लभ श्रीखंड ।
 अनल दाहि पीटत घनहि परसु बदन यह दंड ॥३७॥

बिषय अलंपट सील गुनाकर । पर दुख दुख सुख सुख देखे पर ॥
 सम अभूतरिपु बिमद विरागी । लोभामरष हरष भय त्यागी ॥१॥
 कोमलचित दीनन्ह पर दाया । मन बच क्रम मम भगति अमाया ॥
 सबहि मानप्रद आपु अमानी । भरत प्रान सम मम ते प्रानी ॥२॥
 बिगत काम मम नाम परायन । सांति विरति बिनती मुदितायन ॥
 सीतलता सरलता मयत्री । द्विज पद प्रीति धर्म जनयत्री ॥३॥
 ए सब लच्छन बसहि जासु उर । जानेहु तात संत संतत फुर ॥
 सम दम नियम नीति नहि डोलहि । परुष बचन कबहूँ नहि बोलहि ॥४॥

दोहा

निंदा अस्तुति उभय सम ममता मम पद कंज ।
 ते सज्जन मम प्रानप्रिय गुन मंदिर सुख पुंज ॥३८॥

सनहु असंतन्ह केर सुभाऊ । भूलेहुँ संगति करिअ न काऊ ॥
 तिन्ह कर संग सदा दुखदाई । जिमि कलपहि घालइ हरहाई ॥१॥
 खलन्ह हृदयँ अति ताप विसेषी । जरहि सदा पर संपति देखी ॥
 जहँ कहुँ निंदा सुनहि पराई । हरषहि मनहुँ परी निधि पाई ॥२॥
 काम क्रोध मद लोभ परायन । निर्दय कपटी कुटिल मलायन ॥
 बयरु अकारन सब काहूँ सौँ । जो कर हित अनहित ताहूँ सौँ ॥३॥
 झूठइ लेना झूठइ देना । झूठइ भोजन झूठ चबेना ॥
 बोलहि मधुर बचन जिमि मोरा । खाइ महा अति हृदय कठोरा ॥४॥

दोहा

पर द्रोही पर दार रत पर धन पर अपबाद ।

ते नर पाँवर पापमय देह धरै मनुजाद ॥३९॥

लोभइ ओढन लोभइ डासन । सिस्त्रोदर पर जमपुर त्रास न ॥
 काहू की जों सुनहिं बड़ाई । स्वास लेहिं जनु जूँड़ी आई ॥१॥
 जब काहू कै देखहिं बिपती । सुखी भए मानहुँ जग नृपती ॥
 स्वारथ रत परिवार बिरोधी । लंपट काम लोभ अति क्रोधी ॥२॥
 मातु पिता गुर बिप्र न मानहिं । आपु गए अरु घालहिं आनहिं ॥
 करहिं मोह बस द्रोह परावा । संत संग हरि कथा न भावा ॥३॥
 अवगुन सिंधु मंदमति कामी । बेद बिदूषक परथन स्वामी ॥
 बिप्र द्रोह पर द्रोह बिसेषा । दंभ कपट जियँ धरै सुबेषा ॥४॥

दोहा

ऐसे अधम मनुज खल कृतजुग त्रेता नाहिं ।
 द्वापर कछुक बृंद बहु होइहहिं कलिजुग माहिं ॥४०॥

पर हित सरिस धर्म नहिं भाई । पर पीडा सम नहिं अधमाई ॥
 निर्नय सकल पुरान बेद कर । कहेँ तात जानहिं कोबिद नर ॥१॥
 नर सरीर धरि जे पर पीरा । करहिं ते सहहिं महा भव भीरा ॥
 करहिं मोह बस नर अघ नाना । स्वारथ रत परलोक नसाना ॥२॥
 कालरूप तिन्ह कहूँ मैं आता । सुभ अरु असुभ कर्म फल दाता ॥
 अस बिचारि जे परम सयाने । भजहिं मोहि संसृत दुख जाने ॥३॥
 त्यागहिं कर्म सुभासुभ दायक । भजहिं मोहि सुर नर मुनि नायक ॥
 संत असंतन्ह के गुन भाषे । ते न परहिं भव जिन्ह लखि राखे ॥४॥

दोहा

सुनहु तात माया कृत गुन अरु दोष अनेक ।
 गुन यह उभय न देखिअहिं देखिअ सो अविवेक ॥४१॥

श्रीमुख बचन सुनत सब भाई । हरषे प्रेम न हृदयँ समाई ॥
 करहिं बिन्य अति बारहिं बारा । हनूमान हियँ हरण अपारा ॥१॥
 पुनि रघुपति निज मंदिर गए । एहि विधि चरित करत नित नए ॥
 बार बार नारद मुनि आवहिं । चरित पुनीत राम के गावहिं ॥२॥
 नित नव चरन देखि मुनि जाही । ब्रह्मलोक सब कथा कहाहीं ॥
 सुनि बिरंचि अतिसय सुख मानहिं । पुनि पुनि तात करहु गुन गानहिं ॥३॥
 सनकादिक नारदहि सराहहिं । जयपि ब्रह्म निरत मुनि आहहिं ॥
 सुनि गुन गान समाधि बिसारी ॥ सादर सुनहिं परम अधिकारी ॥४॥

दोहा

जीवनमुक्त ब्रह्मपर चरित सुनहि तजि ध्यान ।
जे हरि कथौ न करहि रति तिन्ह के हिय पाषान ॥४२॥

एक बार रघुनाथ बोलाए । गुर द्विज पुरबासी सब आए ॥
बैठे गुर मुनि अरु द्विज सज्जन । बोले बचन भगत भव भंजन ॥१॥
सनहु सकल पुरजन मम बानी । कहउँ न कछु ममता ऊर आनी ॥
नहि अनीति नहि कछु प्रभुताई । सुनहु करहु जो तुम्हहि सोहाई ॥२॥
सोइ सेवक प्रियतम मम सोई । मम अनुसासन मानै जोई ॥
जैं अनीति कछु भाणै भाई । तौं मोहि बरजहु भय बिसराई ॥३॥
बड़े भाग मानुष तनु पावा । सुर दुर्लभ सब ग्रंथिन्ह गावा ॥
साधन धाम मोच्छ कर द्वारा । पाइ न जेहिं परलोक सँवारा ॥४॥

दोहा

सो परत्र दुख पावइ सिर धुनि धुनि पछिताई ।
कालहि कर्महि ईस्वरहि मिथ्या दोष लगाइ ॥४३॥

एहि तन कर फल बिषय न भाई । स्वर्गठ स्वल्प अंत दुखदाई ॥
नर तनु पाइ बिषयँ मन देही । पलटि सुधा ते सठ बिष लेही ॥१॥
ताहि कबहुँ भल कहइ न कोई । गुंजा ग्रहइ परस मनि खोई ॥
आकर चारि लच्छ चौरासी । जोनि भ्रमत यह जिव अविनासी ॥२॥
फिरत सदा माया कर प्रेरा । काल कर्म सुभाव गुन घेरा ॥
कबहुँक करि करुना नर देही । देत ईस बिनु हेतु सनेही ॥३॥
नर तनु भव बारिधि कहुँ बेरो । सन्मुख मरुत अनुग्रह मेरो ॥
करनधार सदगुर दृढ़ नावा । दुर्लभ साज सुलभ करि पावा ॥४॥

दोहा

जो न तरै भव सागर नर समाज अस पाइ ।
सो कृत निंदक मंदमति आत्माहन गति जाइ ॥४४॥

जैं परलोक इहाँ सुख चहहू । सुनि मम बचन हृदयँ दृढ़ गहहू ॥
सुलभ सुखद मारग यह भाई । भगति मोरि पुरान श्रुति गाई ॥१॥
ग्यान अगम प्रत्यूह अनेका । साधन कठिन न मन कहुँ टेका ॥
करत कष बहु पावइ कोऊ । भक्ति हीन मोहि प्रिय नहिं सोऊ ॥२॥
भक्ति सुतंत्र सकल सुख खानी । बिनु सतसंग न पावहिं प्रानी ॥

पुन्य पुंज बिनु मिलहि न संता । सतसंगति संसृति कर अंता ॥३॥
 पुन्य एक जग महुँ नहिं दूजा । मन क्रम बचन बिप्र पद पूजा ॥
 सानुकूल तेहि पर मुनि देवा । जो तजि कपटु करइ द्विज सेवा ॥४॥

दोहा

औरठ एक गुपुत मत सबहि कहँ कर जोरि ।
 संकर भजन बिना नर भगति न पावइ मोरि ॥४५॥

कहु भगति पथ कवन प्रयासा । जोग न मख जप तप उपवासा ॥
 सरल सुभाव न मन कुटिलाई । जथा लाभ संतोष सदाई ॥१॥
 मोर दास कहाइ नर आसा । करइ तौ कहु कहा बिस्वासा ॥
 बहुत कहँ का कथा बढाई । एहि आचरन बस्य मैं भाई ॥२॥
 बैर न बिग्रह आस न त्रासा । सुखमय ताहि सदा सब आसा ॥
 अनारंभ अनिकेत अमानी । अनघ अरोष दच्छ बिग्यानी ॥३॥
 प्रीति सदा सज्जन संसर्गा । तृन सम बिषय स्वर्ग अपबर्गा ॥
 भगति पच्छ हठ नहिं सठताई । दुष्ट तर्क सब दूर बहाई ॥४॥

दोहा

मम गुन ग्राम नाम रत गत ममता मद मोह ।
 ता कर सुख सोइ जानइ परानंद संदोह ॥४६॥

सुनत सुधासम बचन राम के । गहे सबनि पद कृपाधाम के ॥
 जननि जनक गुर बंधु हमारे । कृपा निधान प्रान ते प्यारे ॥१॥
 तनु धनु धाम राम हितकारी । सब विधि तुम्ह प्रनतारति हारी ॥
 असि सिख तुम्ह बिनु देइ न कोऊ । मातु पिता स्वारथ रत ओऊ ॥२॥
 हेतु रहित जग जुग उपकारी । तुम्ह तुम्हार सेवक असुरारी ॥
 स्वारथ मीत सकल जग माहीं । सपनेहुँ प्रभु परमारथ नाहीं ॥३॥
 सबके बचन प्रेम रस साने । सुनि रघुनाथ हृदय हरणाने ॥
 निज निज गृह गए आयसु पाई । बरनत प्रभु बतकही सुहाई ॥४॥

दोहा

उमा	अवधबासी	नर	नारि	कृतारथ	रूप	।
ब्रह्म	सच्चिदानंद	घन	रघुनायक	जहँ	भूप	॥४७॥
एक	बार बसिष्ठ	मुनि	आए	जहाँ	राम	सुखधाम सुहाए
अति	आदर रघुनायक	कीन्हा	।	पद	पखारि	पादोदक लीन्हा

राम सुनहु मुनि कह कर जोरी । कृपासिंधु बिनती कछु मोरी ॥
देखि देखि आचरन तुम्हारा । होत मोह मम हृदयँ अपारा ॥२॥
महिमा अमित बेद नहिं जाना । मैं केहि भाँति कहुँ भगवाना ॥
उपरोहित्य कर्म अति मंदा । बेद पुरान सुमृति कर निंदा ॥३॥
जब न लेउँ मैं तब बिधि मोही । कहा लाभ आगे सुत तोही ॥
परमात्मा ब्रह्म नर रूपा । होइहि रघुकुल भूषण भूपा ॥४॥

दोहा

तब मैं हृदयँ विचारा जोग जग्य ब्रत दान ।
जा कहुँ करिअ सो पैहुँ धर्म न एहि सम आन ॥४८॥

जप तप नियम जोग निज धर्मा । श्रुति संभव नाना सुभ कर्मा ॥
ग्यान दया दम तीरथ मज्जन । जहुँ लगि धर्म कहत श्रुति सज्जन ॥१॥
आगम निगम पुरान अनेका । पढ़े सुने कर फल प्रभु एका ॥
तब पद पंकज प्रीति निरंतर । सब साधन कर यह फल सुंदर ॥२॥
छटड मल कि मलहि के धोएँ । घृत कि पाव कोइ बारि बिलोएँ ॥
प्रेम भगति जल बिनु रघुराई । अभिअंतर मल कबहुँ न जाई ॥३॥
सोइ सर्बग्य तग्य सोइ पंडित । सोइ गुन गृह बिग्यान अखंडित ॥
दच्छ सकल लच्छन जुत सोइ । जाके पद सरोज रति होई ॥४॥

दोहा

नाथ एक बर मागुँ राम कृपा करि देहु ।
जन्म जन्म प्रभु पद कमल कबहुँ घटै जनि नेहु ॥४९॥

अस कहि मुनि बसिष्ठ गृह आए । कृपासिंधु के मन अति भाए ॥
हनूमान भरतादिक भ्राता । संग लिए सेवक सुखदाता ॥१॥
पुनि कृपाल पुर बाहर गए । गज रथ तुरग मगावत भए ॥
देखि कृपा करि सकल सराहे । दिए उचित जिन्ह जिन्ह तेइ चाहे ॥२॥
हरन सकल श्रम प्रभु श्रम पाई । गए जहाँ सीतल अवराई ॥
भरत दीन्ह निज बसन डसाई । बैठे प्रभु सेवहि सब भाई ॥३॥
मारुतसुत तब मारुत करई । पुलक बपुष लोचन जल भरई ॥
हनूमान सम नहिं बडभागी । नहिं कोठ राम चरन अनुरागी ॥४॥
गिरिजा जासु प्रीति सेवकाई । बार बार प्रभु निज मुख गाई ॥५॥

दोहा

तेहि अवसर मुनि नारद आए करतल बीन ।

गावन लगे राम कल कीरति सदा नबीन ॥५०॥

मामवलोकय पंकज लोचन । कृपा बिलोकनि सोच बिमोचन ॥
 नील तामरस स्याम काम अरि । हृदय कंज मकरंद मधुप हरि ॥१॥
 जानुधान बरुथ बल भंजन । मुनि सज्जन रंजन अघ गंजन ॥
 भूसुर ससि नव वृंद बलाहक । असरन सरन दीन जन गाहक ॥२॥
 भुज बल बिपुल भार महि खंडित । खर दूषन बिराध बध पंडित ॥
 रावनारि सुखरूप भूपबर । जय दसरथ कुल कुमुद सुधाकर ॥३॥
 सुजस पुरान बिदित निगमागम । गावत सुर मुनि संत समागम ॥
 कारुनीक व्यलीक मद खंडन । सब बिधि कुसल कोसला मंडन ॥४॥
 कलि मल मथन नाम ममताहन । तुलसीदास प्रभु पाहि प्रनत जन ॥५॥

दोहा

प्रेम सहित मुनि नारद बरनि राम गुन ग्राम ।
 सोभासिंधु हृदयँ धरि गए जहाँ बिधि धाम ॥५१॥

गिरिजा सुनहु बिसद यह कथा । मैं सब कही मोरि मति जथा ॥
 राम चरित सत कोटि अपारा । श्रुति सारदा न बरनै पारा ॥१॥
 राम अनंत अनंत गुनानी । जन्म कर्म अनंत नामानी ॥
 जल सीकर महि रज गनि जाहीं । रघुपति चरित न बरनि सिराहीं ॥२॥
 बिमल कथा हरि पद दायनी । भगति होइ सुनि अनपायनी ॥
 उमा कहिँ सब कथा सुहाई । जो भुसुंडि खगपतिहि सुनाई ॥३॥
 कछुक राम गुन कहेँ बखानी । अब का कहों सो कहहु भवानी ॥
 सुनि सुभ कथा उमा हरषानी । बोली अति बिनीत मृदु बानी ॥४॥
 धन्य धन्य मैं धन्य पुरारी । सुनेँ राम गुन भव भय हारी ॥५॥

दोहा

तुम्हरी कृपाँ कृपायतन अब कृतकृत्य न मोह ।
 जानेँ राम प्रताप प्रभु चिदानंद संदोह ॥५२(क)॥
 नाथ तवानन ससि सवत कथा सुधा रघुबीर ।
 श्रवन पुटन्हि मन पान करि नहिं अघात मतिधीर ॥५२(ख)॥

राम चरित जे सुनत अघाहीं । रस बिसेष जाना तिन्ह नाहीं ॥
 जीवनमुक्त महामुनि जेझ । हरि गुन सुनहीं निरंतर तेझ ॥१॥
 भव सागर चह पार जो पावा । राम कथा ता कहूँ दङ्ड नावा ॥
 बिषइन्ह कहूँ पुनि हरि गुन ग्रामा । श्रवन सुखद अरु मन अभिरामा ॥२॥

श्रवनवंत अस को जग माहीं । जाहि न रघुपति चरित सोहाहीं ॥
 ते जङ्ग जीव निजात्मक घाती । जिन्हि न रघुपति कथा सोहाती ॥३॥
 हरिचरित्र मानस तुम्ह गावा । सुनि मैं नाथ अमिति सुख पावा ॥
 तुम्ह जो कही यह कथा सुहाई । कागभसुंडि गरुड़ प्रति गाई ॥४॥

दोहा

बिरति ग्यान बिग्यान दृढ़ राम चरन अति नेह ।
 बायस तन रघुपति भगति मोहि परम संदेह ॥५३॥

नर सहस्र महँ सुनहु पुरारी । कोठ एक होइ धर्म ब्रतधारी ॥
 धर्मसील कोटिक महँ कोई । बिषय बिमुख बिराग रत होई ॥१॥
 कोटि बिरक्त मध्य श्रुति कहई । सम्यक ग्यान सकृत कोठ लहई ॥
 ग्यानवंत कोटिक महँ कोठ । जीवनमुक्त सकृत जग सोठ ॥२॥
 तिन्ह सहस्र महुँ सब सुख खानी । दुर्लभ ब्रह्मलीन बिग्यानी ॥
 धर्मसील बिरक्त अरु ग्यानी । जीवनमुक्त ब्रह्मपर प्रानी ॥३॥
 सब ते सो दुर्लभ सुरराया । राम भगति रत गत मद माया ॥
 सो हरिभगति काग किमि पाई । बिस्वनाथ मोहि कहहु बुझाई ॥४॥

दोहा

राम परायन ग्यान रत गुनागर मति धीर ।
 नाथ कहहु केहि कारन पायठ काक सरीर ॥५४॥

यह प्रभु चरित पवित्र सुहावा । कहहु कृपाल काग कहँ पावा ॥
 तुम्ह केहि भाँति सुना मदनारी । कहहु मोहि अति कौतुक भारी ॥१॥
 गरुड महाग्यानी गुन रासी । हरि सेवक अति निकट निवासी ॥
 तेहिं केहि हेतु काग सन जाई । सुनी कथा मुनि निकर बिहाई ॥२॥
 कहहु कवन बिधि भा संबादा । दोठ हरिभगत काग उरगादा ॥
 गौरि गिरा सुनि सरल सुहाई । बोले सिव सादर सुख पाई ॥३॥
 धन्य सती पावन मति तोरी । रघुपति चरन प्रीति नहिं थोरी ॥
 सुनहु परम पुनीत इतिहासा । जो सुनि सकल लोक भ्रम नासा ॥४॥
 उपजङ्ग राम चरन बिस्वासा । भव निधि तर नर बिनहिं प्रयासा ॥५॥

दोहा

ऐसिअ प्रस्न बिहंगपति कीन्ह काग सन जाइ ।
 सो सब सादर कहिहँ सुनहु उमा मन लाइ ॥५५॥

मैं जिमि कथा सुनी भव मोचनि । सो प्रसंग सुनु सुमुखि सुलोचनि ॥
 प्रथम दच्छ गृह तव अवतारा । सती नाम तब रहा तुम्हारा ॥१॥
 दच्छ जग्य तब आ अपमाना । तुम्ह अति क्रोध तजे तब प्राना ॥
 मम अनुचरन्ह कीन्ह मख भंगा । जानहु तुम्ह सो सकल प्रसंगा ॥२॥
 तब अति सोच भयठ मन मोरै । दुखी भयँ बियोग प्रिय तोरै ॥
 सुंदर बन गिरि सरित तड़ागा । कौतुक देखत फिरँ बेरागा ॥३॥
 गिरि सुमेर उत्तर दिसि दूरी । नील सैल एक सुन्दर भूरी ॥
 तासु कनकमय सिखर सुहाए । चारि चारु मोरे मन भाए ॥४॥
 तिन्ह पर एक एक बिटप बिसाला । बट पीपर पाकरी रसाला ॥
 सैलोपरि सर सुंदर सोहा । मनि सोपान देखि मन मोहा ॥५॥

दोहा

सीतल अमल मधुर जल जलज बिपुल बहुरंग ।
 कूजत कल रव हंस गन गुंजत मजुल भृंग ॥५६॥

तेहिं गिरि रुचिर बसइ खग सोई । तासु नास कल्पांत न होई ॥
 माया कृत गुन दोष अनेका । मोह मनोज आदि अबिबेका ॥१॥
 रहे व्यापि समस्त जग मार्ही । तेहि गिरि निकट कबहुँ नहिं जार्ही ॥
 तहँ बसि हरिहि भजइ जिमि कागा । सो सुनु उमा सहित अनुरागा ॥२॥
 पीपर तरु तर ध्यान सो धरई । जाप जग्य पाकरि तर करई ॥
 आँब छाहँ कर मानस पूजा । तजि हरि भजनु काजु नहिं दूजा ॥३॥
 बर तर कह हरि कथा प्रसंगा । आवहिं सुनहिं अनेक बिहंगा ॥
 राम चरित बिचीत्र बिधि नाना । प्रेम सहित कर सादर गाना ॥४॥
 सुनहिं सकल मति बिमल मराला । बसहिं निरंतर जे तेहिं ताला ॥
 जब मैं जाइ सो कौतुक देखा । उर उपजा आनंद बिसेषा ॥५॥

दोहा

तब कछु काल मराल तनु धरि तहँ कीन्ह निवास ।
 सादर सुनि रघुपति गुन पुनि आयँ कैलास ॥५७॥

गिरिजा कहेँ सो सब इतिहासा । मैं जेहि समय गयँ खग पासा ॥
 अब सो कथा सुनहु जेही हेतू । गयठ काग पहिं खग कुल केतू ॥१॥
 जब रघुनाथ कीन्ह रन क्रीड़ा । समुझत चरित होति मोहि ब्रीड़ा ॥
 इंद्रजीत कर आपु बँधायो । तब नारद मुनि गरुड पठायो ॥२॥
 बंधन काटि गयो उरगादा । उपजा हृदयँ प्रचंड बिषादा ॥
 प्रभु बंधन समुझत बहु भाँती । करत बिचार उरग आराती ॥३॥

व्यापक ब्रह्म बिरज बागीसा । माया मोह पार परमीसा ॥
सो अवतार सुनेऽ जग माहीं । देखेऽ सो प्रभाव कछु नाहीं ॥४॥

दोहा

भव बंधन ते छूटहि नर जपि जा कर नाम ।
खर्च निसाचर बाँधेठ नागपास सोइ राम ॥५८॥

नाना भाँति मनहि समुझावा । प्रगट न ज्यान हृदयँ भ्रम छावा ॥
खेद खिन्न मन तर्के बढाई । भयउ मोहबस तुम्हरिहि नाई ॥१॥
व्याकुल गयउ देवरिषि पाहीं । कहेसि जो संसय निज मन माहीं ॥
सुनि नारदहि लागि अति दाया । सुनु खग प्रबल राम कै माया ॥२॥
जो ज्यानिन्ह कर चित अपहरई । बरिआई बिमोह मन करई ॥
जेहिं बहु बार नचावा मोही । सोइ व्यापी बिहंगपति तोही ॥३॥
महामोह उपजा उर तोरे । मिटिहि न बेगि कहैं खग मोरे ॥
चतुरानन पहिं जाहु खगेसा । सोइ करेहु जेहि होइ निदेसा ॥४॥

दोहा

अस कहि चले देवरिषि करत राम गुन गान ।
हरि माया बल बरनत पुनि पुनि परम सुजान ॥५९॥

तब खगपति विरंचि पहिं गयऊ । निज संदेह सुनावत भयऊ ॥
सुनि विरंचि रामहि सिरु नावा । समुझि प्रताप प्रेम अति छावा ॥१॥
मन महुँ करइ बिचार बिधाता । माया बस कबि कोबिद ज्याता ॥
हरि माया कर अमिति प्रभावा । बिपुल बार जेहिं मोहि नचावा ॥२॥
अग जगमय जग मम उपराजा । नहिं आचरज मोह खगराजा ॥
तब बोले बिधि गिरा सुहाई । जान महेस राम प्रभुताई ॥३॥
बैनतेय संकर पहिं जाहू । तात अनत पूछहु जनि काहू ॥
तहुँ होइहि तव संसय हानी । चलेठ बिहंग सुनत बिधि बानी ॥४॥

दोहा

परमातुर बिहंगपति आयउ तब मो पास ।
जात रहेऽ कुबेर गृह रहिहु उमा कैलास ॥६०॥

तेहिं मम पद सादर सिरु नावा । पुनि आपन संदेह सुनावा ॥
सुनि ता करि बिनती मृदु बानी । परेम सहित मैं कहेऽ भवानी ॥१॥
मिलेहु गरुड मारग महुँ मोही । कवन भाँति समुझावों तोही ॥

तबहि होइ सब संसय भंगा । जब बहु काल करिअ सतसंगा ॥२॥
 सुनिअ तहाँ हरि कथा सुहाई । नाना भाँति मुनिन्ह जो गाई ॥
 जेहि महुँ आदि मध्य अवसाना । प्रभु प्रतिपाद्य राम भगवाना ॥३॥
 नित हरि कथा होत जहाँ भाई । पठवँ तहाँ सुनहि तुम्ह जाई ॥
 जाइहि सुनत सकल संदेहा । राम चरन होइहि अति नेहा ॥४॥

दोहा

बिनु सतसंग न हरि कथा तेहि बिनु मोह न भाग ।
 मोह गएँ बिनु राम पद होइ न दृढ अनुराग ॥६१॥

मिलहिं न रघुपति बिनु अनुरागा । किएँ जोग तप ग्यान बिरागा ॥
 उत्तर दिसि सुंदर गिरि नीला । तहँ रह काकभुसुंडि सुसीला ॥१॥
 राम भगति पथ परम प्रबीना । ग्यानी गुन गृह बहु कालीना ॥
 राम कथा सो कहइ निरंतर । सादर सुनहि बिबिध बिहंगबर ॥२॥
 जाइ सुनहु तहाँ हरि गुन भूरी । होइहि मोह जनित दुख दूरी ॥
 मैं जब तेहि सब कहा बुझाई । चलेठ हरषि मम पद सिरु नाई ॥३॥
 ताते उमा न मैं समुझावा । रघुपति कृपाँ मरमु मैं पावा ॥
 होइहि कीन्ह कबहुँ अभिमाना । सो खौवै चह कृपानिधाना ॥४॥
 कछु तेहि ते पुनि मैं नहिं राखा । समुझइ खग खगही कै भाषा ॥
 प्रभु माया बलवंत भवानी । जाहि न मोह कवन अस ग्यानी ॥५॥

दोहा

ग्यानि भगत सिरोमनि त्रिभुवनपति कर जान ।
 ताहि मोह माया नर पावर करहिं गुमान ॥६२(क)॥

मासपारायण, अट्ठाईसवाँ विश्राम

सिव बिरंचि कहुँ मोहइ को है बपुरा आन ।
 अस जियँ जानि भजहिं मुनि माया पति भगवान ॥६२(ख)॥

गयठ गरुड जहाँ बसइ भुसुंडा । मति अकुंठ हरि भगति अखंडा ॥
 देखि सैल प्रसन्न मन भयठ । माया मोह सोच सब गयठ ॥१॥
 करि तडाग मज्जन जलपाना । बट तर गयठ हृदयँ हरषाना ॥
 बृद्ध बृद्ध बिहंग तहाँ आए । सुनै राम के चरित सुहाए ॥२॥
 कथा अरंभ करै सोइ चाहा । तेही समय गयठ खगनाहा ॥
 आवत देखि सकल खगराजा । हरषेठ बायस सहित समाजा ॥३॥

अति आदर खगपति कर कीन्हा । स्वागत पूछि सुआसन दीन्हा ॥
करि पूजा समेत अनुरागा । मधुर बचन तब बोलेऽ कागा ॥४॥

दोहा

नाथ कृतारथ भयँ मैं तव दरसन खगराज ।
आयसु देहु सो कर्ह अब प्रभु आयहु केहि काज ॥६३(क)॥
सदा कृतारथ रूप तुम्ह कह मृदु बचन खगेस ।
जेहि कै अस्तुति सादर निज मुख कीन्हि महेस ॥६३(ख)॥

सुनहु तात जेहि कारन आयँ । सो सब भयँ दरस तव पायँ ॥
देखि परम पावन तव आश्रम । गयँ मोह संसय नाना भम ॥१॥
अब श्रीराम कथा अति पावनि । सदा सुखद दुख पुंज नसावनि ॥
सादर तात सुनावहु मोही । बार बार बिनवँ प्रभु तोही ॥२॥
सुनत गरुड कै गिरा बिनीता । सरल सुप्रेम सुखद सुपुनीता ॥
भयँ तासु मन परम उछाहा । लाग कहै रघुपति गुन गाहा ॥३॥
प्रथमहि अति अनुराग भवानी । रामचरित सर कहेसि बखानी ॥
पुनि नारद कर मोह अपारा । कहेसि बहुरि रावन अवतारा ॥४॥
प्रभु अवतार कथा पुनि गाई । तब सिसु चरित कहेसि मन लाई ॥५॥

दोहा

बालचरित कहिं बिविध बिधि मन महं परम उछाह ।
रिषि आगवन कहेसि पुनि श्री रघुबीर बिबाह ॥६४॥

बहुरि राम अभिषेक प्रसंगा । पुनि नृप बचन राज रस भंगा ॥
पुरबासिन्ह कर विरह बिषादा । कहेसि राम लछिमन संबादा ॥१॥
बिपिन गवन केवट अनुरागा । सुरसरि उतरि निवास प्रयागा ॥
बालमीक प्रभु मिलन बखाना । चित्रकूट जिमि बसे भगवाना ॥२॥
सचिवागवन नगर नृप मरना । भरतागवन प्रेम बहु बरना ॥
करि नृप क्रिया संग पुरबासी । भरत गए जहं प्रभु सुख रासी ॥३॥
पुनि रघुपति बहु बिधि समुझाए । लै पादुका अवधपुर आए ॥
भरत रहनि सुरपति सुत करनी । प्रभु अरु अत्रि भेट पुनि बरनी ॥४॥

दोहा

कहि बिराध बध जेहि बिधि देह तजी सरभंग ॥
बरनि सुतीछन प्रीति पुनि प्रभु अगर्सित सतसंग ॥६५॥

कहि दंडक बन पावनताई । गीध मइत्री पुनि तेहिं गाई ॥
 पुनि प्रभु पंचवटीं कृत बासा । भंजी सकल मुनिन्ह की त्रासा ॥१॥
 पुनि लछिमन उपदेस अनूपा । सूपनखा जिमि कीन्हि कुरूपा ॥
 खर दूषन बध बहुरि बखाना । जिमि सब मरमु दसानन जाना ॥२॥
 दसकंधर मारीच बतकहीं । जेहि बिधि भई सो सब तेहिं कही ॥
 पुनि माया सीता कर हरना । श्रीरघुबीर विरह कछु बरना ॥३॥
 पुनि प्रभु गीध क्रिया जिमि कीन्हि । बधि कबंध सबरिहि गति दीन्हि ॥
 बहुरि विरह बरनत रघुबीरा । जेहि बिधि गए सरोवर तीरा ॥४॥

दोहा

प्रभु नारद संबाद कहि मारुति मिलन प्रसंग ।
 पुनि सुग्रीव मिताई बालि प्रान कर भंग ॥६६(क)॥
 कपिहि तिलक करि प्रभु कृत सैल प्रबरषन बास ।
 बरनन बर्षा सरद अरु राम रोष कपि त्रास ॥६६(ख)॥

जेहि बिधि कपिपति कीस पठाए । सीता खोज सकल दिसि धाए ॥
 बिबर प्रबेस कीन्ह जेहि भाँती । कपिन्ह बहोरि मिला संपाती ॥१॥
 सुनि सब कथा समीरकुमारा । नाघत भयउ पयोधि अपारा ॥
 लंकाँ कपि प्रबेस जिमि कीन्हा । पुनि सीतहि धीरजु जिमि दीन्हा ॥२॥
 बन उजारि रावनहि प्रबोधी । पुर दहि नाघेऽ बहुरि पयोधी ॥
 आए कपि सब जहँ रघुराई । बैदेही कि कुसल सुनाई ॥३॥
 सेन समेति जथा रघुबीरा । उतरे जाइ बारिनिधि तीरा ॥
 मिला बिभीषण जेहि बिधि आई । सागर निग्रह कथा सुनाई ॥४॥

दोहा

सेतु बाँधि कपि सेन जिमि उतरी सागर पार ।
 गयउ बसीठी बीरबर जेहि बिधि बालिकुमार ॥६७(क)॥
 निसिचर कीस लराई बरनिसि बिबिध प्रकार ।
 कुंभकरन घननाद कर बल पौरुष संघार ॥६७(ख)॥

निसिचर निकर मरन बिधि नाना । रघुपति रावन समर बखाना ॥
 रावन बध मंदोदरि सोका । राज बिभीषण देव असोका ॥१॥
 सीता रघुपति मिलन बहोरी । सुरन्ह कीन्ह अस्तुति कर जोरी ॥
 पुनि पुष्पक चढि कपिन्ह समेता । अवध चले प्रभु कृपा निकेता ॥२॥
 जेहि बिधि राम नगर निज आए । बायस बिसद चरित सब गाए ॥
 कहेसि बहोरि राम अभिषेका । पुर बरनत नृपनीति अनेका ॥३॥

कथा समस्त भुसुंड बखानी । जो मैं तुम्ह सन कही भवानी ॥
सुनि सब राम कथा खगनाहा । कहत बचन मन परम उछाहा ॥४॥

सोरठा

गयठ मोर संदेह सुनेँ सकल रघुपति चरित ।
भयठ राम पद नेह तव प्रसाद बायस तिलक ॥६८(क)॥
मोहि भयठ अति मोह प्रभु बंधन रन महुँ निरखि ।
चिदानंद संदोह राम बिकल कारन कवन ॥६८(ख)॥

देखि चरित अति नर अनुसारी । भयठ हृदयँ मम संसय भारी ॥
सोइ भ्रम अब हित करि मैं माना । कीन्ह अनुग्रह कृपानिधाना ॥१॥
जो अति आतप व्याकुल होई । तरु छाया सुख जानइ सोइ ॥
जैं नहिं होत मोह अति मोही । मिलतेँ तात कवन बिधि तोही ॥२॥
सुनतेँ किमि हरि कथा सुहाई । अति बिचित्र बहु बिधि तुम्ह गाई ॥
निगमागम पुरान मत एहा । कहहिं सिद्ध मुनि नहिं संदेहा ॥३॥
संत बिसुद्ध मिलहिं परि तेही । चितवहिं राम कृपा करि जेही ॥
राम कृपाँ तव दरसन भयठ । तव प्रसाद सब संसय गयठ ॥४॥

दोहा

सुनि विहंगपति बानी सहित बिनय अनुराग ।
पुलक गात लोचन सजल मन हरषेऽ अति काग ॥६९(क)॥
श्रोता सुमति सुसील सुचि कथा रसिक हरि दास ।
पाइ उमा अति गोप्यमपि सज्जन करहिं प्रकास ॥६९(ख)॥

बोलेठ काकभसुंड बहोरी । नभग नाथ पर प्रीति न थोरी ॥
सब बिधि नाथ पूज्य तुम्ह मेरे । कृपापात्र रघुनायक केरे ॥१॥
तुम्हहि न संसय मोह न माया । मो पर नाथ कीन्ह तुम्ह दाया ॥
पठइ मोह मिस खगपति तोही । रघुपति दीन्हि बडाई मोही ॥२॥
तुम्ह निज मोह कही खग साई । सो नहिं कछु आचरज गोसाई ॥
नारद भव बिरंचि सनकादी । जे मुनिनायक आतमबादी ॥३॥
मोह न अंध कीन्ह केहि केही । को जग काम नचाव न जेही ॥
तृस्नाँ केहि न कीन्ह बौराहा । केहि कर हृदय क्रोध नहिं दाहा ॥४॥

दोहा

ग्यानी तापस सूर कबि कोबिद गुन आगार ।
केहि कै लौभ बिडंबना कीन्हि न एहिं संसार ॥७०(क)॥

श्री मद बक्त न कीन्ह केहि प्रभुता बधिर न काहि ।
मृगलोचनि के नैन सर को अस लाग न जाहि ॥७०(ख)॥

गुन कृत सन्यपात नहिं केही । कोठ न मान मद तजेठ निवेही ॥
जोबन ज्वर केहि नहिं बलकावा । ममता केहि कर जस न नसावा ॥१॥
मच्छर काहि कलंक न लावा । काहि न सोक समीर डोलावा ॥
चिंता साँपिनि को नहिं खाया । को जग जाहि न व्यापी माया ॥२॥
कीट मनोरथ दारु सरीरा । जेहि न लाग घुन को अस धीरा ॥
सुत बित लोक ईषना तीनी । केहि के मति इन्ह कृत न मलीनी ॥३॥
यह सब माया कर परिवारा । प्रबल अमिति को बरनै पारा ॥
सिव चतुरानन जाहि डेराहीं । अपर जीव केहि लेखे माहीं ॥४॥

दोहा

व्यापि रहेठ संसार महुँ माया कटक प्रचंड ॥
सेनापति कामादि भट दंभ कपट पाषंड ॥७१(क)॥
सो दासी रघुबीर कै समुझे मिथ्या सोपि ।
छूट न राम कृपा बिनु नाथ कहुँ पद रोपि ॥७१(ख)॥

जो माया सब जगहि नचावा । जासु चरित लखि काहुँ न पावा ॥
सोइ प्रभु भू बिलास खगराजा । नाच नटी इव सहित समाजा ॥१॥
सोइ सच्चिदानंद घन रामा । अज बिग्यान रूपो बल धामा ॥
व्यापक व्याप्य अखंड अनंता । अखिल अमोघसकि भगवंता ॥२॥
अगुन अदभि गिरा गोतीता । सबदरसी अनवद्य अजीता ॥
निर्मम निराकार निरमोहा । नित्य निरंजन सुख संदोहा ॥३॥
प्रकृति पार प्रभु सब उर बासी । ब्रह्म निरीह विरज अविनासी ॥
इहाँ मोह कर कारन नाहीं । रवि सन्मुख तम कबहुँ कि जाहीं ॥४॥

दोहा

भगत हेतु भगवान प्रभु राम धरेठ तनु भूप ।
किए चरित पावन परम प्राकृत नर अनुरूप ॥७२(क)॥
जथा अनेक बेष धरि नृत्य करइ नट कोइ ।
सोइ सोइ भाव देखावइ आपुन होइ न सोइ ॥७२(ख)॥

असि रघुपति लीला उरगारी । दनुज बिमोहनि जन सुखकारी ॥
जे मति मलिन बिषयबस कामी । प्रभु मोह धरहिं इमि स्वामी ॥१॥
नयन दोष जा कहैं जब होई । पीत बरन ससि कहुँ कह सोई ॥

जब जेहि दिसि भम होइ खगेसा । सो कह पच्छिम उयठ दिनेसा ॥२॥
 नौकारूढ चलत जग देखा । अचल मोह बस आपुहि लेखा ॥
 बालक भमहिं न भमहिं गृहादीं । कहहिं परस्पर मिथ्याबादी ॥३॥
 हरि बिषइक अस मोह बिहंगा । सपनेहुँ नहिं अग्यान प्रसंगा ॥
 मायाबस मतिमंद अभागी । हृदयँ जमनिका बहुबिधि लागी ॥४॥
 ते सठ हठ बस संसय करहीं । निज अग्यान राम पर धरहीं ॥५॥

दोहा

काम क्रोध मद लोभ रत गृहासक्त दुखरूप ।
 ते किमि जानहिं रघुपतिहि मूढ परे तम कूप ॥७३(क)॥
 निर्गुन रूप सुलभ अति सगुन जान नहिं कोइ ।
 सुगम अगम नाना चरित सुनि मुनि मन भम होइ ॥७३(ख)॥

सुनु खगेस रघुपति प्रभुताई । कहहुँ जथामति कथा सुहाई ॥
 जेहि बिधि मोह भयउ प्रभु मोही । सोउ सब कथा सुनावहुँ तोही ॥१॥
 राम कृपा भाजन तुम्ह ताता । हरि गुन प्रीति मोहि सुखदाता ॥
 ताते नहिं कछु तुम्हहिं दुरावहुँ । परम रहस्य मनोहर गावहुँ ॥२॥
 सुनहु राम कर सहज सुभाऊ । जन अभिमान न राखहिं काऊ ॥
 संसृत मूल सूलप्रद नाना । सकल सोक दायक अभिमाना ॥३॥
 ताते करहिं कृपानिधि दूरी । सेवक पर ममता अति भूरी ॥
 जिमि सिसु तन ब्रन होइ गोसाई । मातु चिराव कठिन की नाई ॥४॥

दोहा

जदपि प्रथम दुख पावइ रोवइ बाल अधीर ।
 व्याधि नास हित जननी गनति न सो सिसु पीर ॥७४(क)॥
 तिमि रघुपति निज दासकर हरहिं मान हित लागि ।
 तुलसिदास ऐसे प्रभुहि कस न भजहु भम त्यागि ॥७४(ख)॥

राम कृपा आपनि जडताई । कहहुँ खगेस सुनहु मन लाई ॥
 जब जब राम मनुज तनु धरहीं । भक्त हेतु लील बहु करहीं ॥१॥
 तब तब अवधपुरी मैं जाऊँ । बालचरित बिलोकि हरषाऊँ ॥
 जन्म महोत्सव देखहुँ जाई । बरष पाँच तहुँ रहहुँ लोभाई ॥२॥
 इष्टदेव मम बालक रामा । सोभा बपुष कोटि सत कामा ॥
 निज प्रभु बदन निहारि निहारी । लोचन सुफल करहुँ उरगारी ॥३॥
 लघु बायस बपु धरि हरि संगा । देखहुँ बालचरित बहुरंगा ॥४॥

दोहा

लरिकाई जहँ जहँ फिरहिं तहँ तहँ संग उडाँ ।
जूठनि परइ अजिर महँ सो उठाइ करि खाँ ॥७५(क)॥
एक बार अतिसय सब चरित किए रघुबीर ।
सुमिरत प्रभु लीला सोइ पुलकित भयउ सरीर ॥७५(ख)॥

कहइ भसुंड सुनहु खगनायक । रामचरित सेवक सुखदायक ॥
नृपमंदिर सुंदर सब भाँती । खचित कनक मनि नाना जाती ॥१॥
बरनि न जाइ रुचिर अँगनाई । जहँ खेलहिं नित चारिड भाई ॥
बालबिनोद करत रघुराई । बिचरत अजिर जननि सुखदाई ॥२॥
मरकत मृदुल कलेवर स्यामा । अंग अंग प्रति छबि बहु कामा ॥
नव राजीव अरुन मृदु चरना । पदज रुचिर नख ससि दुति हरना ॥३॥
ललित अंक कुलिसादिक चारी । नूपुर चारु मधुर रवकारी ॥
चारु पुरट मनि रचित बनाई । कटि किंकिन कल मुखर सुहाई ॥४॥

दोहा

रेखा त्रय सुन्दर उदर नाभी रुचिर गँभीर ।
उर आयत भाजत बिबिध बाल बिभूषन चीर ॥७६॥

अरुन पानि नख करज मनोहर । बाहु बिसाल बिभूषन सुंदर ॥
कंध बाल केहरि दर ग्रीवा । चारु चिबुक आनन छबि सीवा ॥१॥
कलबल बचन अधर अरुनारे । दुइ दुइ दसन बिसद बर बारे ॥
ललित कपोल मनोहर नासा । सकल सुखद ससि कर सम हासा ॥२॥
नील कंज लोचन भव मोचन । भाजत भाल तिलक गोरोचन ॥
बिकट भृकुटि सम श्रवन सुहाए । कुंचित कच मेचक छबि छाए ॥३॥
पीत झीनि झागुली तन सोही । किलकनि चितवनि भावति मोही ॥
रूप रासि नूप अजिर बिहारी । नाचहिं निज प्रतिबिंब निहारी ॥४॥
मोहि सन करहीं बिबिध बिधि क्रीड़ा । बरनत मोहि होति अति ब्रीड़ा ॥
किलकत मोहि धरन जब धावहिं । चलाँ भागि तब पूप देखावहिं ॥५॥

दोहा

आवत निकट हँसहिं प्रभु भाजत रुदन कराहिं ।
जाँ समीप गहन पद फिरि फिरि चितइ पराहिं ॥७७(क)॥
प्राकृत सिसु इव लीला देखि भयउ मोहि मोह ।
कवन चरित्र करत प्रभु चिदानंद संदोह ॥७७(ख)॥

एतना मन आनत खगराया । रघुपति प्रेरित व्यापी माया ॥
 सो माया न दुखद मोहि काहीं । आन जीव इव संसृत नाहीं ॥१॥
 नाथ इहाँ कछु कारन आना । सुनहु सो सावधान हरिजाना ॥
 ग्यान अखंड एक सीताबर । माया बस्य जीव सचराचर ॥२॥
 जौं सब के रह ग्यान एकरस । ईस्वर जीवहि भेद कहहु कस ॥
 माया बस्य जीव अभिमानी । ईस बस्य माया गुनखानी ॥३॥
 परबस जीव स्वबस भगवंता । जीव अनेक एक श्रीकंता ॥
 मुथा भेद जयपि कृत माया । बिनु हरि जाइ न कोटि उपाया ॥४॥

दोहा

रामचंद्र के भजन बिनु जो चह पद निर्बान ।
 ग्यानवंत अपि सो नर पसु बिनु पूँछ बिषान ॥७८(क)॥
 राकापति षोडस उअहिं तारागन समुदाइ ॥
 सकल गिरिन्ह दव लाइअ बिनु रबि राति न जाइ ॥७८(ख)॥

ऐसेहिं हरि बिनु भजन खगेसा । मिटइ न जीवन्ह केर कलेसा ॥
 हरि सेवकहि न व्याप अबिद्या । प्रभु प्रेरित व्यापइ तेहि बिद्या ॥१॥
 ताते नास न होइ दास कर । भेद भगति भाड़इ बिहंगबर ॥
 भ्रम ते चकित राम मोहि देखा । बिहँसे सो सुनु चरित बिसेषा ॥२॥
 तेहि कौतुक कर मरमु न काहूँ । जाना अनुज न मातु पिताहूँ ॥
 जानु पानि धाए मोहि धरना । स्यामल गात अरुन कर चरना ॥३॥
 तब मैं भागि चलेँ उरगामी । राम गहन कहूँ भुजा पसारी ॥
 जिमि जिमि दूरि उड़ाउँ अकासा । तहूँ भुज हरि देखेँ निज पासा ॥४॥

दोहा

ब्रह्मलोक लगि गयठँ मैं चितयठँ पाछ उड़ात ।
 जुग अंगुल कर बीच सब राम भुजहि मोहि तात ॥७९(क)॥
 ससाबरन भेद करि जहाँ लगें गति मोरि ।
 गयठँ तहाँ प्रभु भुज निरखि व्याकुल भयठँ बहोरि ॥७९(ख)॥

मूदेँ नयन त्रसित जब भयठँ । पुनि चितवत कोसलपुर गयठँ ॥
 मोहि बिलोकि राम मुसुकाहीं । बिहँसत तुरत गयठँ मुख माहीं ॥१॥
 उदर माझा सुनु अंडज राया । देखेँ बहु ब्रह्मांड निकाया ॥
 अति बिचित्र तहूँ लोक अनेका । रचना अधिक एक ते एका ॥२॥
 कोटिन्ह चतुरानन गौरीसा । अग्नित उडगन रबि रजनीसा ॥
 अग्नित लोकपाल जम काला । अग्नित भूधर भूमि बिसाला ॥३॥

सागर सरि सर बिपिन अपारा । नाना भाँति सृष्टि बिस्तारा ॥
सुर मुनि सिद्ध नाग नर किंवर । चारि प्रकार जीव सचराचर ॥४॥

दोहा

जो नहिं देखा नहिं सुना जो मनहूँ न समाइ ।
सो सब अद्भुत देखेँ बरनि कवनि विधि जाइ ॥८०(क)॥
एक एक ब्रह्मांड महुँ रहेँ बरष सत एक ।
एहि विधि देखत फिरेँ मैं अंड कटाह अनेक ॥८०(ख)॥

लोक लोक प्रति भिन्न बिधाता । भिन्न बिष्णु सिव मनु दिसित्राता ॥
नर गंधर्व भूत बैताला । किंवर निसिचर पसु खग व्याला ॥१॥
देव दनुज गन नाना जाती । सकल जीव तहे आनहि भाँती ॥
महि सरि सागर सर गिरि नाना । सब प्रपञ्च तहे आनइ आना ॥२॥
अंडकोस प्रति प्रति निज रूपा । देखेँ जिनस अनेक अनूपा ॥
अवधपुरी प्रति भुवन निनारी । सरजू भिन्न भिन्न नर नारी ॥३॥
दसरथ कौसल्या सुनु ताता । बिबिध रूप भरतादिक भ्राता ॥
प्रति ब्रह्मांड राम अवतारा । देखेँ बालबिनोद अपारा ॥४॥

दोहा

भिन्न भिन्न मै दीख सबु अति बिचित्र हरिजान ।
अगनित भुवन फिरेँ प्रभु राम न देखेँ आन ॥८१(क)॥
सोइ सिसुपन सोइ सोभा सोइ कृपाल रघुबीर ।
भुवन भुवन देखत फिरेँ प्रेरित मोह समीर ॥८१(ख)॥

भ्रमत मोहि ब्रह्मांड अनेका । बीते मनहूँ कल्प सत एका ॥
फिरत फिरत निज आश्रम आयेँ । तहे पुनि रहि कछु काल गवाँयेँ ॥१॥
निज प्रभु जन्म अवध सुनि पायेँ । निर्भर प्रेम हरषि उठि धायेँ ॥
देखेँ जन्म महोत्सव जाइ । जेहि विधि प्रथम कहा मैं गाइ ॥२॥
राम उदर देखेँ जग नाना । देखत बनइ न जाइ बखाना ॥
तहे पुनि देखेँ राम सुजाना । माया पति कृपाल भगवाना ॥३॥
करेँ बिचार बहोरि बहोरी । मोह कलिल व्यापित मति मोरी ॥
उभय घरी महुँ मैं सब देखा । भयेँ भ्रमित मन मोह बिसेष ॥४॥

दोहा

देखि कृपाल बिकल मोहि बिहँसे तब रघुबीर ।
बिहँसतहीं मुख बाहर आयेँ सुनु मतिधीर ॥८२(क)॥

सोइ लरिकाई मो सन करन लगे पुनि राम ।
कोटि भाँति समुझावठँ मनु न लहइ बिश्राम ॥८२(ख)॥

देखि चरित यह सो प्रभुताई । समुझत देह दसा बिसराई ॥
धरनि परेठँ मुख आव न बाता । त्राहि त्राहि आरत जन त्राता ॥१॥
प्रेमाकुल प्रभु मोहि बिलोकी । निज माया प्रभुता तब रोकी ॥
कर सरोज प्रभु मम सिर धरेझ । दीनदयाल सकल दुख हरेझ ॥२॥
कीन्ह राम मोहि बिगत बिमोहा । सेवक सुखद कृपा संदोहा ॥
प्रभुता प्रथम बिचारि बिचारी । मन महँ होइ हरष अति भारी ॥३॥
भगत बछलता प्रभु कै देखी । उपजी मम उर प्रीति बिसेषी ॥
सजल नयन पुलकित कर जोरी । कीन्हिँ बहु बिधि बिनय बहोरी ॥४॥

दोहा

सुनि सप्रेम मम बानी देखि दीन निज दास ।
बचन सुखद गंभीर मृदु बोले रमानिवास ॥८३(क)॥
काकभसुंडि मागु बर अति प्रसन्न मोहि जानि ।
अनिमादिक सिधि अपर रिधि मोच्छ सकल सुख खानि ॥८३(ख)॥

ग्यान बिबेक बिरति बिग्याना । मुनि दुर्लभ गुन जे जग नाना ॥
आजु देठँ सब संसय नाहीं । मागु जो तोहि भाव मन माहीं ॥१॥
सुनि प्रभु बचन अधिक अनुरागेऽ । मन अनुमान करन तब लागेऽ ॥
प्रभु कह देन सकल सुख सही । भगति आपनी देन न कही ॥२॥
भगति हीन गुन सब सुख ऐसे । लवन बिना बहु बिजन जैसे ॥
भजन हीन सुख कवने काजा । अस बिचारि बोलेऽ खगराजा ॥३॥
जौं प्रभु होइ प्रसन्न बर देहू । मो पर करहु कृपा अरु नेहू ॥
मन भावत बर मागँ स्वामी । तुम्ह उदार उर अंतरजामी ॥४॥

दोहा

अविरल भगति बिसुध्द तव श्रुति पुरान जो गाव ।
जेहि खोजत जोगीस मुनि प्रभु प्रसाद कोउ पाव ॥८४(क)॥
भगत कल्पतरु प्रनत हित कृपा सिंधु सुख धाम ।
सोइ निज भगति मोहि प्रभु देहु दया करि राम ॥८४(ख)॥

एवमस्तु कहि रघुकुलनायक । बोले बचन परम सुखदायक ॥
सुनु बायस तैं सहज सयाना । काहे न मागसि अस बरदाना ॥१॥
सब सुख खानि भगति तैं मागी । नहिं जग कोउ तोहि सम बडभागी ॥

जो मुनि कोटि जतन नहिं लहर्ही । जे जप जोग अनल तन दहर्ही ॥२॥
 रीझेँ देखि तोरि चतुराई । मागेहु भगति मोहि अति भाई ॥
 सुनु बिहंग प्रसाद अब मोरै । सब सुभ गुन बसिहिं उर तोरै ॥३॥
 भगति ज्यान विज्यान विरागा । जोग चरित्र रहस्य विभागा ॥
 जानब तैं सबही कर भेदा । मम प्रसाद नहिं साधन खेदा ॥४॥

दोहा

माया संभव भ्रम सब अब न व्यापिहिं तोहि ।
 जानेसु ब्रह्म अनादि अज अगुन गुनाकर मोहि ॥८५(क)॥
 मोहि भगत प्रिय संतत अस बिचारि सुनु काग ।
 कायँ बचन मन मम पद करेसु अचल अनुराग ॥८५(ख)॥

अब सुनु परम बिमल मम बानी । सत्य सुगम निगमादि बखानी ॥
 निज सिद्धांत सुनावै तोही । सुनु मन धरु सब तजि भजु मोही ॥१॥
 मम माया संभव संसारा । जीव चराचर बिबिधि प्रकारा ॥
 सब मम प्रिय सब मम उपजाए । सब ते अधिक मनुज मोहि भाए ॥२॥
 तिन्ह महँ द्विज द्विज महँ श्रुतिधारी । तिन्ह महुँ निगम धरम अनुसारी ॥
 तिन्ह महँ प्रिय बिरक्त पुनि ज्यानी । ज्यानिहु ते अति प्रिय विज्यानी ॥३॥
 तिन्ह ते पुनि मोहि प्रिय निज दासा । जेहि गति मोरि न दूसरि आसा ॥
 पुनि पुनि सत्य कहै तोहि पाहीं । मोहि सेवक सम प्रिय कोठ नाहीं ॥४॥
 भगति हीन बिरंचि किन होई । सब जीवहु सम प्रिय मोहि सोई ॥
 भगतियंत अति नीचठ प्रानी । मोहि प्रानप्रिय असि मम बानी ॥५॥

दोहा

सुचि सुसील सेवक सुमति प्रिय कहु काहि न लाग ।
 श्रुति पुरान कह नीति असि सावधान सुनु काग ॥८६॥

एक पिता के बिपुल कुमारा । होहिं पृथक गुन सील अचारा ॥
 कोठ पंडित कोठ तापस ज्याता । कोठ धनवंत सूर कोठ दाता ॥१॥
 कोठ सर्बग्य धर्मरत कोई । सब पर पितहि प्रीति सम होई ॥
 कोठ पितु भगत बचन मन कर्मा । सपनेहुँ जान न दूसर धर्मा ॥२॥
 सो सुत प्रिय पितु प्रान समाना । जयपि सो सब भाँति अज्याना ॥
 एहि बिधि जीव चराचर जेते । त्रिजग देव नर असुर समेते ॥३॥
 अखिल विस्व यह मोर उपाया । सब पर मोहि बराबरि दाया ॥
 तिन्ह महँ जो परिहरि मद माया । भजै मोहि मन बच अरु काया ॥४॥

दोहा

पुरुष नपुंसक नारि वा जीव चराचर कोइ ।
सर्व भाव भज कपट तजि मोहि परम प्रिय सोइ ॥८७(क)॥

सोरठ

सत्य कहाँ खग तोहि सुचि सेवक मम प्रानप्रिय ।
अस बिचारि भजु मोहि परिहरि आस भरोस सब ॥८७(ख)॥

कबहूँ काल न व्यापिहि तोही । सुमिरेसु भजेसु निरंतर मोही ॥
प्रभु बचनामृत सुनि न अधाँ । तनु पुलकित मन अति हरषाँ ॥१॥
सो सुख जानइ मन अरु काना । नहिं रसना पहिं जाइ बखाना ॥
प्रभु सोभा सुख जानहिं नयना । कहि किमि सकहिं तिन्हहि नहिं बयना ॥२॥
बहु बिधि मोहि प्रबोधि सुख देई । लगे करन सिसु कौतुक तेई ॥
सजल नयन कछु मुख करि रुखा । चितइ मातु लागी अति भूखा ॥३॥
देखि मातु आतुर उठि धाई । कहि मृदु बचन लिए उर लाई ॥
गोद राखि कराव पय पाना । रघुपति चरित ललित कर गाना ॥४॥

सोरठ

जेहि सुख लागि पुरारि असुभ बेष कृत सिव सुखद ।
अवधपुरी नर नारि तेहि सुख महुँ संतत मगन ॥८८(क)॥
सोइ सुख लवलेस जिन्ह बारक सपनेहुँ लहेऽ ।
ते नहिं गनहिं खगेस ब्रह्मसुखहि सज्जन सुमति ॥८८(ख)॥

मैं पुनि अवध रहेँ कछु काला । देखेँ बालबिनोद रसाला ॥
राम प्रसाद भगति बर पायउँ । प्रभु पद बंदि निजाश्रम आयउँ ॥१॥
तब ते मोहि न व्यापी माया । जब ते रघुनायक अपनाया ॥
यह सब गुस चरित मैं गावा । हरि मायाँ जिमि मोहि नचावा ॥२॥
निज अनुभव अब कहाँ खगेसा । बिनु हरि भजन न जाहि कलेसा ॥
राम कृपा बिनु सुनु खगराई । जानि न जाइ राम प्रभुताई ॥३॥
जाँै बिनु न होइ परतीती । बिनु परतीति होइ नहिं प्रीती ॥
प्रीति बिना नहिं भगति दिढाई । जिमि खगपति जल कै चिकनाई ॥४॥

सोरठ

बिनु गुर होइ कि ग्यान ग्यान कि होइ विराग बिनु ।
गावहिं बेद पुरान सुख कि लहिअ हरि भगति बिनु ॥८९(क)॥

कोठ बिश्राम कि पाव तात सहज संतोष बिनु ।
चलै कि जल बिनु नाव कोटि जतन पचि पचि मरिअ ॥८९(ख)॥

बिनु संतोष न काम नसाहीं । काम अछत सुख सपनेहुँ नाहीं ॥
राम भजन बिनु मिटहिं कि कामा । थल बिहीन तरु कबहुँ कि जामा ॥१॥
बिनु बिग्यान कि समता आवइ । कोठ अवकास कि नभ बिनु पावइ ॥
श्रद्धा बिना धर्म नहिं होइ । बिनु महि गंध कि पावइ कोई ॥२॥
बिनु तप तेज कि कर विस्तारा । जल बिनु रस कि होइ संसारा ॥
सील कि मिल बिनु बुध सेवकाई । जिमि बिनु तेज न रूप गोसाई ॥३॥
निज सुख बिनु मन होइ कि थीरा । परस कि होइ बिहीन समीरा ॥
कवनिति सिद्धि कि बिनु बिस्वासा । बिनु हरि भजन न भव भय नासा ॥४॥

दोहा

बिनु बिस्वास भगति नहिं तेहि बिनु द्रवहिं न रामु ।
राम कृपा बिनु सपनेहुँ जीव न लह बिश्रामु ॥९०(क)॥

सोरठा

अस बिचारि मतिधीर तजि कुतक संसय सकल ।
भजहु राम रघुबीर करुनाकर सुंदर सुखद ॥९०(ख)॥

निज मति सरिस नाथ मैं गाई । प्रभु प्रताप महिमा खगराई ॥
कहेहुँ न कछु करि जुगुति बिसेषी । यह सब मैं निज नयनन्हि देखी ॥१॥
महिमा नाम रूप गुन गाथा । सकल अमित अनंत रघुनाथा ॥
निज निज मति मुनि हरिगुन गावहिं । निगम सेष सिव पार न पावहिं ॥२॥
तुम्हहि आदि खग मसक प्रजंता । नभ उडाहिं नहिं पावहिं अंता ॥
तिमि रघुपति महिमा अवगाहा । तात कबहुँ कोठ पाव कि थाहा ॥३॥
रामु काम सत कोटि सुभग तन । दुर्गा कोटि अमित अरि मर्दन ॥
सक्र कोटि सत सरिस बिलासा । नभ सत कोटि अमित अवकासा ॥४॥

दोहा

मरुत कोटि सत बिपुल बल रबि सत कोटि प्रकास ।
ससि सत कोटि सुसीतल समन सकल भव त्रास ॥९१(क)॥
काल कोटि सत सरिस अति दुस्तर दुर्ग दुरंत ।
धूमकेतु सत कोटि सम दुराधरण भगवंत ॥९१(ख)॥

अगाध सत कोटि पताला । समन कोटि सत सरिस कराला ॥

तीरथ अमित कोटि सम पावन । नाम अखिल अघ पूग नसावन ॥१॥
हिमगिरि कोटि अचल रघुबीरा । सिंधु कोटि सत सम गंभीरा ॥
कामधेनु सत कोटि समाना । सकल काम दायक भगवाना ॥२॥
सारद कोटि अमित चतुराई । बिधि सत कोटि सृष्टि निपुनाई ॥
बिष्णु कोटि सम पालन कर्ता । रुद्र कोटि सत सम संहर्ता ॥३॥
धनद कोटि सत सम धनवाना । माया कोटि प्रपंच निधाना ॥
भार धरन सत कोटि अहीसा । निरवधि निरुपम प्रभु जगदीसा ॥४॥

छंद

निरुपम न उपमा आन राम समान रामु निगम कहै ।
जिमि कोटि सत खद्योत सम रबि कहत अति लघुता लहै ॥
एहि भाँति निज निज मति बिलास मुनिस हरिहि बखानहीं ।
प्रभु भाव गाहक अति कृपाल सप्रेम सुनि सुख मानहीं ॥

दोहा

रामु अमित गुन सागर थाह कि पावङ कोइ ।
संतन्ह सन जस किछु सुनेऽ तुम्हहि सुनायँ सोइ ॥९२(क)॥

सोरठ

भाव बस्य भगवान सुख निधान करुना भवन ।
तजि ममता मद मान भजिअ सदा सीता रवन ॥९२(ख)॥

सुनि भुसुंडि के बचन सुहाए । हरणित खगपति पंख फुलाए ॥
नयन नीर मन अति हरणाना । श्रीरघुपति प्रताप ऊर आना ॥१॥
पाछिल मोह समुझि पछिताना । ब्रह्म अनादि मनुज करि माना ॥
पुनि पुनि काग चरन सिरु नावा । जानि राम सम प्रेम बढ़ावा ॥२॥
गुर बिनु भव निधि तरइ न कोई । जौं बिरंचि संकर सम होई ॥
संसय सर्प ग्रसेड मोहि ताता । दुखद लहरि कुर्तक बहु ब्राता ॥३॥
तव सरूप गारुडि रघुनायक । मोहि जिआयठ जन सुखदायक ॥
तव प्रसाद मम मोह नसाना । राम रहस्य अनूपम जाना ॥४॥

दोहा

ताहि प्रसंसि बिबिध बिधि सीस नाइ कर जोरि ।
बचन बिनीत सप्रेम मृदु बोलेड गरुड बहोरि ॥९३(क)॥
प्रभु अपने अविबेक ते बूझँ स्वामी तोहि ।
कृपासिंधु सादर कहहु जानि दास निज मोहि ॥९३(ख)॥

तुम्ह सर्वग्य तन्य तम पारा । सुमति सुसील सरल आचारा ॥
 ज्यान बिरति बिग्यान निवासा । रघुनायक के तुम्ह प्रिय दासा ॥१॥
 कारन कवन देह यह पाई । तात सकल मोहि कहहु बुझाई ॥
 राम चरित सर सुंदर स्वामी । पायहु कहाँ कहहु नभगामी ॥२॥
 नाथ सुना मैं अस सिव पाहीं । महा प्रलयहु नास तव नाहीं ॥
 मुधा बचन नहिं ईस्वर कहई । सोउ मोरै मन संसय अहई ॥३॥
 अग जग जीव नाग नर देवा । नाथ सकल जगु काल कलेवा ॥
 अंड कटाह अमित लय कारी । कालु सदा दुरतिक्रम भारी ॥४॥

सौरठ

तुम्हहि न व्यापत काल अति कराल कारन कवन ।
 मोहि सो कहहु कृपाल ज्यान प्रभाव कि जोग बल ॥९४(क)॥

दोहा

प्रभु तव आश्रम आएँ मोर मोह भ्रम भाग ।
 कारन कवन सो नाथ सब कहहु सहित अनुराग ॥९४(ख)॥

गरुड गिरा सुनि हरषेऽ कागा । बोलेऽ उमा परम अनुरागा ॥
 धन्य धन्य तव मति उरगारी । प्रस्न तुम्हारि मोहि अति प्यारी ॥१॥
 सुनि तव प्रस्न सप्रेम सुहाई । बहुत जनम कै सुधि मोहि आई ॥
 सब निज कथा कहत्त मैं गाई । तात सुनहु सादर मन लाई ॥२॥
 जप तप मख सम दम ब्रत दाना । बिरति बिबेक जोग बिग्याना ॥
 सब कर फल रघुपति पद प्रेमा । तेहि बिनु कोउ न पावइ छेमा ॥३॥
 एहि तन राम भगति मैं पाई । ताते मोहि ममता अधिकाई ॥
 जेहि तें कछु निज स्वारथ होई । तेहि पर ममता कर सब कोई ॥४॥

सौरठ

पन्नगारि असि नीति श्रुति संमत सज्जन कहहिं ।
 अति नीचहु सन प्रीति करिअ जानि निज परम हित ॥९५(क)॥
 पाट कीट तें होइ तेहि तें पाटंबर रुचिर ।
 कृमि पालइ सबु कोइ परम अपावन प्रान सम ॥९५(ख)॥

स्वारथ सौंच जीव कहुँ एहा । मन क्रम बचन राम पद नेहा ॥
 सोइ पावन सोइ सुभग सरीरा । जो तनु पाइ भजिअ रघुबीरा ॥१॥
 राम बिमुख लहि बिधि सम देही । कवि कोबिद न प्रसंसहिं तेही ॥

राम भगति एहिं तन उर जामी । ताते मोहि परम प्रिय स्वामी ॥२॥
 तजऊँ न तन निज इच्छा मरना । तन बिनु बेद भजन नहिं बरना ॥
 प्रथम मोहँ मोहि बहुत बिगोवा । राम बिमुख सुख कबहुँ न सोवा ॥३॥
 नाना जनम कर्म पुनि नाना । किए जोग जप तप मख दाना ॥
 कवन जोनि जनमेऊँ जहँ नाहीं । मैं खगेस भ्रमि भ्रमि जग माही ॥४॥
 देखेऊँ करि सब करम गोसाई । सुखी न भयऊँ अबहि की नाई ॥
 सुधि मोहि नाथ जन्म बहु केरी । सिव प्रसाद मति मोहँ न घेरी ॥५॥

दोहा

प्रथम जन्म के चरित अब कहऊँ सुनहु बिहगेस ।
 सुनि प्रभु पद रति उपजइ जाते मिटहि कलेस ॥१६(क)॥
 पूरुष कल्प एक प्रभु जुग कलिजुग मल मूल ॥
 नर अरु नारि अधर्म रत सकल निगम प्रतिकूल ॥१६(ख)॥

तेहि कलिजुग कोसलपुर जाई । जन्मत भयऊँ सूद तनु पाई ॥
 सिव सेवक मन क्रम अरु बानी । आन देव निंदक अभिमानी ॥१॥
 धन मद मत परम बाचाला । उग्रबुद्धि उर दंभ बिसाला ॥
 जदपि रहेऊँ रघुपति रजधानी । तदपि न कछु महिमा तब जानी ॥२॥
 अब जाना मैं अवध प्रभावा । निगमागम पुरान अस गावा ॥
 कवनेहुँ जन्म अवध बस जोई । राम परायन सो परि होई ॥३॥
 अवध प्रभाव जान तब प्रानी । जब उर बसहि रामु धनुपानी ॥
 सो कलिकाल कठिन उरगारी । पाप परायन सब नर नारी ॥४॥

दोहा

कलिमल ग्रसे धर्म सब लुप्त भए सदगंथ ।
 दंभिन्ह निज मति कल्पि करि प्रगट किए बहु पंथ ॥१७(क)॥
 भए लोग सब मोहबस लोभ ग्रसे सुभ कर्म ।
 सुनु हरिजान ग्यान निधि कहऊँ कछुक कलिधर्म ॥१७(ख)॥

बरन धर्म नहिं आश्रम चारी । श्रुति विरोध रत सब नर नारी ॥
 द्विज श्रुति बेचक भूप प्रजासन । कोउ नहिं मान निगम अनुसासन ॥१॥
 मारग सोइ जा कहुँ जोइ भावा । पंडित सोइ जो गाल बजावा ॥
 मिथ्यारंभ दंभ रत जोई । ता कहुँ संत कहइ सब कोई ॥२॥
 सोइ सयान जो परधन हारी । जो कर दंभ सो बड आचारी ॥
 जौ कह झूँठ मसखरी जाना । कलिजुग सोइ गुनवंत बखाना ॥३॥
 निराचार जो श्रुति पथ त्यागी । कलिजुग सोइ ग्यानी सो बिरागी ॥

जाँके नख अरु जटा बिसाला । सोइ तापस प्रसिद्ध कलिकाला ॥४॥

दोहा

असुभ वेष भूषन धरें भच्छाभच्छ जे खाहि ।
तेइ जोगी तेइ सिद्ध नर पूज्य ते कलिजुग माहि ॥९८(क)॥

सोरठा

जे अपकारी चार तिन्ह कर गौरव मान्य तेइ ।
मन क्रम बचन लबार तेइ बकता कलिकाल महुँ ॥९८(ख)॥

नारि बिबस नर सकल गोसाई । नाचहिं नट मर्कट की नाई ॥
सूद्र द्विजन्ह उपदेसहि ग्याना । मेलि जनेझ लेहि कुदाना ॥१॥
सब नर काम लोभ रत क्रोधी । देव विप्र श्रुति संत बिरोधी ॥
गुन मंदिर सुंदर पति त्यागी । भजहिं नारि पर पुरुष अभागी ॥२॥
सौभागिनीं बिभूषन हीना । बिधवन्ह के सिंगार नबीना ॥
गुर सिष बधिर अंथ का लेखा । एक न सुनइ एक नहिं देखा ॥३॥
हरइ सिष्य धन सोक न हरइ । सो गुर घोर नरक महुँ परइ ॥
मातु पिता बालकन्हि बोलाबहिं । उदर भरे सोइ धर्म सिखावहिं ॥४॥

दोहा

ब्रह्म ग्यान बिनु नारि नर कहहिं न दूसरि बात ।
कौड़ी लागि लोभ बस करहिं विप्र गुर घात ॥९९(क)॥
बादहिं सूद्र द्विजन्ह सन हम तुम्ह ते कछु घाटि ।
जानइ ब्रह्म सो विप्रबर आँखि देखावहिं डाटि ॥९९(ख)॥

पर त्रिय लंपट कपट सयाने । मोह द्रोह ममता लपटाने ॥
तेइ अभेदबादी ग्यानी नर । देखा मैं चरित्र कलिजुग कर ॥१॥
आपु गए अरु तिन्हहू घालहिं । जे कहुँ सत मारग प्रतिपालहिं ॥
कल्प कल्प भरि एक एक नरका । परहिं जे दूषहिं श्रुति करि तरका ॥२॥
जे बरनाधम तेलि कुम्हारा । स्वपच किरात कोल कलवारा ॥
नारि मुई गृह संपति नासी । मूँड मुडाइ होहिं सन्यासी ॥३॥
ते विप्रन्ह सन आपु पुजावहिं । उभय लोक निज हाथ नसावहिं ॥
विप्र निरच्छर लोलुप कामी । निराचार सठ बृशली स्वामी ॥४॥
सूद्र करहिं जप तप ब्रत नाना । वैठि बरासन कहहिं पुराना ॥
सब नर कल्पित करहिं अचारा । जाइ न बरनि अनीति अपारा ॥५॥

दोहा

भए बरन संकर कलि भिन्नसेतु सब लोग ।
 करहिं पाप पावहिं दुख भय रुज सोक बियोग ॥१००(क)॥
 श्रुति संमत हरि भक्ति पथ संजुत विरति बिबेक ।
 तेहि न चलहिं नर मोह बस कल्पहिं पथ अनेक ॥१००(ख)॥

छंद

बहु दाम सँवारहिं धाम जती । बिषया हरि लीन्हि न रहि विरती ॥
 तपसी धनवंत दरिद्र गृही । कलि कौतुक तात न जात कही ॥१॥
 कुलवंति निकारहिं नारि सती । गृह आनिहिं चेरी निबेरि गती ॥
 सुत मानहिं मातु पिता तब लैं । अबलानन दीख नहीं जब लैं ॥२॥
 ससुरारि पिआरि लगी जब तैं । रिपरूप कुटुंब भए तब तैं ॥
 नृप पाप परायन धर्म नहीं । करि दंड बिंडब प्रजा नितहीं ॥३॥
 धनवंत कुलीन मलीन अपी । द्विज चिन्ह जनेऽ उघार तपी ॥
 नहिं मान पुरान न बेदहि जो । हरि सेवक संत सही कलि सो ॥४॥
 कबि बृंद उदार दुनी न सुनी । गुन दूषक ब्रात न कोपि गुनी ॥
 कलि बारहिं बार दुकाल परे । बिनु अन्न दुखी सब लोग मरे ॥५॥

दोहा

सुनु खगेस कलि कपट हठ दंभ द्वेष पाषंड ।
 मान मोह मारादि मद व्यापि रहे ब्रह्मंड ॥१०१(क)॥
 तामस धर्म करहिं नर जप तप ब्रत मख दान ।
 देव न बरषहिं धरनीं बए न जामहिं धान ॥१०१(ख)॥

छंद

अबला कच भूषन भूरि छुधा । धनहीन दुखी ममता बहुधा ॥
 सुख चाहहिं मूढ न धर्म रता । मति थोरि कठोरि न कोमलता ॥१॥
 नर पीड़ित रोग न भोग कहीं । अभिमान विरोध अकारनहीं ॥
 लघु जीवन संबतु पंच दसा । कलपांत न नास गुमानु असा ॥२॥
 कलिकाल बिहाल किए मनुजा । नहिं मानत क्वौ अनुजा तनुजा ।
 नहिं तोष बिचार न सीतलता । सब जाति कुजाति भए मगता ॥३॥
 इरिण परुषाच्छर लोलुपता । भरि पूरि रही समता बिगता ॥
 सब लोग बियोग बिसोक हुए । बरनाश्रम धर्म अचार गए ॥४॥
 दम दान दया नहिं जानपनी । जडता परबंचनताति घनी ॥
 तनु पोषक नारि नरा सगरे । परनिंदक जे जग मो बगरे ॥५॥

दोहा

सुनु व्यालारि काल कलि मल अवगुन आगार ।
 गुनठं बहुत कलिजुग कर बिनु प्रयास निस्तार ॥१०२(क)॥
 कृतजुग त्रेता द्वापर पूजा मख अरु जोग ।
 जो गति होइ सो कलि हरि नाम ते पावहिं लोग ॥१०२(ख)॥

कृतजुग सब जोगी बिग्यानी । करि हरि ध्यान तरहिं भव प्रानी ॥
 त्रेताँ बिबिध जग्य नर करहीं । प्रभुहि समर्पि कर्म भव तरहीं ॥१॥
 द्वापर करि रघुपति पद पूजा । नर भव तरहिं उपाय न दूजा ॥
 कलिजुग केवल हरि गुन गाहा । गावत नर पावहिं भव थाहा ॥२॥
 कलिजुग जोग न जग्य न ज्याना । एक अधार राम गुन गाना ॥
 सब भरोस तजि जो भज रामहि । प्रेम समेत गाव गुन ग्रामहि ॥३॥
 सोइ भव तर कछु संसय नाहीं । नाम प्रताप प्रगट कलि माहीं ॥
 कलि कर एक पुनीत प्रतापा । मानस पुन्य होहिं नहिं पापा ॥४॥

दोहा

कलिजुग सम जुग आन नहिं जौं नर कर बिस्वास ।
 गाइ राम गुन गन बिमलं भव तर बिनहिं प्रयास ॥१०३(क)॥
 प्रगट चारि पद धर्म के कलिल महुँ एक प्रधान ।
 जेन केन बिधि दीन्हें दान करइ कल्प्यान ॥१०३(ख)॥

नित जुग धर्म होहिं सब केरे । हृदयँ राम माया के प्रेरे ॥
 सुख सत्य समता बिग्याना । कृत प्रभाव प्रसन्न मन जाना ॥१॥
 सत्य बहुत रज कछु रति कर्मा । सब बिधि सुख त्रेता कर धर्मा ॥
 बहु रज स्वल्प सत्य कछु तामस । द्वापर धर्म हरष भय मानस ॥२॥
 तामस बहुत रजोगुन थोरा । कलि प्रभाव बिरोध चहुँ ओरा ॥
 बुध जुग धर्म जानि मन माहीं । तजि अर्धर्म रति धर्म कराहीं ॥३॥
 काल धर्म नहिं व्यापहिं ताही । रघुपति चरन प्रीति अति जाही ॥
 नट कृत बिकट कपट खगराया । नट सेवकहि न व्यापइ माया ॥४॥

दोहा

हरि माया कृत दोष गुन बिनु हरि भजन न जाहिं ।
 भजिअ राम तजि काम सब अस बिचारि मन माहिं ॥१०४(क)॥
 तेहि कलिकाल बरष बहु बसेठं अवध बिहगेस ।
 परेठ दुकाल बिपति बस तब मैं गयठं बिदेस ॥१०४(ख)॥

गयँ उजेनी सुनु उरगारी । दीन मलीन दरिद्र दुखारी ॥
 गएँ काल कछु संपति पाई । तहँ पुनि करँ संभु सेवकाई ॥१॥
 बिप्र एक बैदिक सिव पूजा । करइ सदा तेहि काजु न दूजा ॥
 परम साथु परमारथ बिंदक । संभु उपासक नहिं हरि निंदक ॥२॥
 तेहि सेवँ मैं कपट समेता । द्विज दयाल अति नीति निकेता ॥
 बाहिज नम देखि मोहि साई । बिप्र पढाव पुत्र की नाई ॥३॥
 संभु मंत्र मोहि द्विजबर दीन्हा । सुभ उपदेस बिबिध बिधि कीन्हा ॥
 जपँ मंत्र सिव मंदिर जाई । हृदयँ दंभ अहमिति अधिकाई ॥४॥

दोहा

मैं खल मल संकुल मति नीच जाति बस मोह ।
 हरि जन द्विज देखें जरँ करँ बिष्णु कर द्रोह ॥१०५(क)॥

सोरठा

गुर नित मोहि प्रबोध दुखित देखि आचरन मम ।
 मोहि उपजइ अति क्रोध दंभिहि नीति कि भावई ॥१०५(ख)॥

एक बार गुर लीन्ह बोलाई । मोहि नीति बहु भाँति सिखाई ॥
 सिव सेवा कर फल सुत सोई । अबिरल भगति राम पद होई ॥१॥
 रामहि भजहिं तात सिव धाता । नर पावर कै केतिक बाता ॥
 जासु चरन अज सिव अनुरागी । तातु द्रोहँ सुख चहसि अभागी ॥२॥
 हर कहुँ हरि सेवक गुर कहेऊ । सुनि खगनाथ हृदय मम दहेऊ ॥
 अधम जाति मैं बिद्या पाएँ । भयँ जथा अहि दूध पिआएँ ॥३॥
 मानी कुटिल कुभाग्य कुजाती । गुर कर द्रोह करँ दिनु राती ॥
 अति दयाल गुर स्वल्प न क्रोधा । पुनि पुनि मोहि सिखाव सुबोधा ॥४॥
 जेहि ते नीच बडाई पावा । सो प्रथमहिं हति ताहि नसावा ॥
 धूम अनल संभव सुनु भाई । तेहि बुझाव घन पदवी पाई ॥५॥
 रज मग परी निरादर रहई । सब कर पद प्रहार नित सहई ॥
 मरुत उडाव प्रथम तेहि भरई । पुनि नृप नयन किरीटन्हि परई ॥६॥
 सुनु खगपति अस समुझि प्रसंगा । बुध नहिं करहिं अधम कर संगा ॥
 कबि कोबिद गावहिं असि नीती । खल सन कलह न भल नहिं प्रीती ॥७॥
 उदासीन नित रहिअ गोसाई । खल परिहरिअ स्वान की नाई ॥
 मैं खल हृदयँ कपट कुटिलाई । गुर हित कहइ न मोहि सोहाई ॥८॥

दोहा

एक बार हर मंदिर जपत रहेँ सिव नाम ।

गुर आयउ अभिमान तें उठि नहिं कीन्ह प्रनाम ॥१०६(क)॥
 सो दयाल नहिं कहेत कछु उर न रोष लवलेस ।
 अति अघ गुर अपमानता सहि नहिं सके महेस ॥१०६(ख)॥

मंदिर माझ भई नभ बानी । रे हतभाग्य अग्य अभिमानी ॥
 जयपि तव गुर के नहिं क्रोधा । अति कृपाल चित सम्यक बोधा ॥१॥
 तदपि साप सठ दैहँ तोही । नीति विरोध सोहाइ न मोही ॥
 जौं नहिं दंड करौं खल तोरा । भष होइ श्रुतिमारग मोरा ॥२॥
 जे सठ गुर सन इरिषा करहीं । रौरव नरक कोटि जुग परहीं ॥
 त्रिजग जोनि पुनि धरहिं सरीरा । अयुत जन्म भरि पावहिं पीरा ॥३॥
 बैठ रहेसि अजगर इव पापी । सर्प होहि खल मल मति व्यापी ॥
 महा विटप कोटर महुँ जाई ॥ रहु अधमाधम अधगति पाई ॥४॥

दोहा

हाहाकार कीन्ह गुर दारून सुनि सिव साप ॥
 कंपित मोहि बिलोकि अति उर उपजा परिताप ॥१०७(क)॥
 करि दंडवत सप्रेम द्विज सिव सन्मुख कर जोरि ।
 बिनय करत गदगद स्वर समुझि घोर गति मोरि ॥१०७(ख)॥

क्षेत्र

नमामीशमीशान निर्वाणरूप । विंभुं व्यापकं ब्रह्म वेदस्वरूपं ।
 निजं निर्गुणं निर्विकल्पं निरींह । चिदाकाशमाकाशवासं भजेऽहं ॥
 निराकारमोकारमूलं तुरीयं । गिरा ज्यान गोतीतमीशं गिरीशं ॥
 करालं महाकाल कालं कृपालं । गुणागार संसारपारं नतोऽहं ॥
 तुषाराद्रि संकाश गौरं गभीरं । मनोभूत कोटि प्रभा श्री शरीरं ॥
 स्फुरन्मौलि कल्लोलिनी चारु गंगा । लसद्वालबालेन्दु कंठे भुजंगा ॥
 चलत्कुंडलं भू सुनेत्रं विशालं । प्रसन्नाननं नीलकंठं दयालं ॥
 मृगाधीशचर्माम्बरं मुण्डमालं । प्रियं शंकरं सर्वनाथं भजामि ॥
 प्रचंडं प्रकृष्टं प्रगल्भं परेशं । अखंडं अजं भानुकोटिप्रकाशं ॥
 त्रयःशूलं निर्मूलनं शूलपाणि । भजेऽहं भवानीपतिं भावगम्यं ॥
 कलातीत कल्याण कल्पान्तकारी । सदा सज्जनान्ददाता पुरारी ॥
 चिदानंदसंदोह मोहापहारी । प्रसीद प्रसीद प्रभो मन्मथारी ॥
 न यावद उमानाथ पादारविन्दं । भजंतीह लोके परे वा नराणां ॥
 न तावत्सुखं शान्ति सन्तापनाशं । प्रसीद प्रभो सर्वभूताधिगासं ॥
 न जानामि योगं जपं नैव पूजां । नतोऽहं सदा सर्वदा शंभु तुभ्यं ॥
 जरा जन्म दुःखौद्य तातप्यमानं । प्रभो पाहि आपन्नमामीश शंभो ॥

श्लोक

रुद्राष्टकमिदं	प्रोक्तं	विप्रेण	हरतोषये	।
ये पठन्ति	नरा	भक्त्या	तेषां शम्भुः	प्रसीदति ॥

दोहा

सुनि बिनती सर्वगय सिव देखि ब्रिप्र अनुरागु ।
 पुनि मंदिर नभवानी भइ द्विजबर बर मागु ॥१०८(क)॥
 जाँ प्रसन्न प्रभु मो पर नाथ दीन पर नेहु ।
 निज पद भगति देइ प्रभु पुनि दूसर बर देहु ॥१०८(ख)॥
 तव माया बस जीव जड संतत फिरइ भुलान ।
 तेहि पर क्रोध न करिअ प्रभु कृपा सिंधु भगवान ॥१०८(ग)॥
 संकर दीनदयाल अब एहि पर होहु कृपाल ।
 साप अनुग्रह होइ जेहिं नाथ थोरेहीं काल ॥१०८(घ)॥

एहि कर होइ परम कल्याना । सोइ करहु अब कृपानिधाना ॥
 बिग्रिगिरा सुनि परहित सानी । एवमस्तु इति भइ नभवानी ॥१॥
 जदपि कीन्ह एहिं दारुन पापा । मैं पुनि दीन्ह कोप करि सापा ॥
 तदपि तुम्हार साधुता देखी । करिहौं एहि पर कृपा बिसेषी ॥२॥
 छमासील जे पर उपकारी । ते द्विज मोहि प्रिय जथा खरारी ॥
 मोर श्राप द्विज व्यर्थ न जाइहि । जन्म सहस अवस्य यह पाइहि ॥३॥
 जनमत मरत दुसह दुख होइ । अहि स्वल्पठ नहिं व्यापिहि सोइ ॥
 कवनेहौं जन्म मिटिहि नहिं ज्ञाना । सुनहि सूद्र मम बचन प्रवाना ॥४॥
 रघुपति पुरीं जन्म तब भयऊ । पुनि तैं मम सेवाँ मन दयऊ ॥
 पुरी प्रभाव अनुग्रह मोरै । राम भगति उपजिहि ऊर तोरै ॥५॥
 सुनु मम बचन सत्य अब भाई । हरितोषन ब्रत द्विज सेवकाई ॥
 अब जनि करहि बिप्र अपमाना । जानेहु संत अनंत समाना ॥६॥
 इंद्र कुलिस मम सूल बिसाला । कालदंड हरि चक्र कराला ॥
 जो इन्ह कर मारा नहिं मरई । बिप्रद्रोह पावक सो जरई ॥७॥
 अस बिबेक राखेहु मन माहीं । तुम्ह कहूं जग दुर्लभ कछु नाहीं ॥
 औरउ एक आसिषा मोरी । अप्रतिहत गति होइहि तोरी ॥८॥

दोहा

सुनि सिव बचन हरषि गुर एवमस्तु इति भाषि ।
 मोहि प्रबोधि गयठ गृह संभु चरन ऊर राखि ॥१०९(क)॥
 प्रेरित काल बिधि गिरि जाइ भयउँ मैं व्याल ।

पुनि प्रयास बिनु सो तनु जजेऽ गएँ कछु काल ॥१०९(ख)॥
 जोइ तनु धर्तँ तजतँ पुनि अनायास हरिजान ।
 जिमि नूतन पट पहिरइ नर परिहरइ पुरान ॥१०९(ग)॥
 सिवं राखी श्रुति नीति अरु मैं नहिं पावा क्लेस ।
 एहि बिधि धरेऽ बिबिध तनु ग्यान न गयउ खगेस ॥१०९(घ)॥

त्रिजग देव नर जोइ तनु धर्तँ । तहं तहं राम भजन अनुसरतँ ॥
 एक सूल मोहि बिसर न काऊ । गुर कर कोमल सील सुभाऊ ॥१॥
 चरम देह द्विज कै मैं पाई । सुर दुर्लभ पुरान श्रुति गाई ॥
 खेलतँ तहूँ बालकन्ह मीला । करतँ सकल रघुनायक लीला ॥२॥
 प्रौढ भाएँ मोहि पिता पढावा । समझतँ सुनतँ गुनतँ नहिं भावा ॥
 मन ते सकल बासना भागी । केवल राम चरन लय लागी ॥३॥
 कहु खगेस अस कवन अभागी । खरी सेव सुरधेनुहि त्यागी ॥
 प्रेम मगन मोहि कछु न सोहाई । हारेऽ पिता पढाइ पढाइ ॥४॥
 भए कालबस जब पितु माता । मैं बन गयतँ भजन जनत्राता ॥
 जहं जहं बिपिन मुनीस्वर पावतँ । आश्रम जाइ जाइ सिरु नावतँ ॥५॥
 बूझत तिन्हहि राम गुन गाहा । कहहि सुनतँ हरषित खगनाहा ॥
 सुनत फिरतँ हरि गुन अनुबादा । अव्याहत गति संभु प्रसादा ॥६॥
 छूटी त्रिबिध ईषना गाढ़ी । एक लालसा उर अति बाढ़ी ॥
 राम चरन बारिज जब देखौं । तब निज जन्म सफल करि लेखौं ॥७॥
 जेहि पूँछतँ सोइ मुनि अस कहई । ईस्वर सर्ब भूतमय अहई ॥
 निर्गुन मत नहिं मोहि सोहाई । सगुन ब्रह्म रति उर अधिकाई ॥८॥

दोहा

गुर के बचन सुरति करि राम चरन मनु लाग ।
 रघुपति जस गावत फिरतँ छन छन नव अनुराग ॥११०(क)॥
 मेरु सिखर बट छायाँ मुनि लोमस आसीन ।
 देखि चरन सिरु नायतँ बचन कहेऽ अति दीन ॥११०(ख)॥
 सुनि मम बचन बिनीत मृदु मुनि कृपाल खगराज ।
 मोहि सादर पूँछत भए द्विज आयहु केहि काज ॥११०(ग)॥
 तब मैं कहा कृपानिधि तुम्ह सर्बग्य सुजान ।
 सगुन ब्रह्म अवराधन मोहि कहहु भगवान ॥११०(घ)॥

तब मुनिष रघुपति गुन गथा । कहे कछुक सादर खगनाथा ॥
 ब्रह्मग्यान रत मुनि बिग्यानि । मोहि परम अधिकारी जानी ॥१॥
 लागे करन ब्रह्म उपदेसा । अज अद्वेत अगुन हृदयेसा ॥

अकल अनीह अनाम अरूपा । अनुभव गम्य अखंड अनूपा ॥२॥
 मन गोतीत अमल अबिनासी । निर्बिकार निरवधि सुख रासी ॥
 सो तैं ताहि तोहि नहि भेदा । बारि बीचि इव गावहि बेदा ॥३॥
 बिबिध भाँति मोहि मुनि समुझावा । निर्गुन मत मम हृदयँ न आवा ॥
 पुनि मैं कहेँ नाइ पद सीसा । सगुन उपासन कहहु मुनीसा ॥४॥
 राम भगति जल मम मन मीना । किमि बिलगाइ मुनीस प्रबीना ॥
 सोइ उपदेस कहहु करि दाया । निज नयनन्हि देखौं रघुराया ॥५॥
 भरि लोचन बिलोकि अवधेसा । तब सुनिहेँ निर्गुन उपदेसा ॥
 मुनि पुनि कहि हरिकथा अनूपा । खंडि सगुन मत अगुन निरूपा ॥६॥
 तब मैं निर्गुन मत कर दूरी । सगुन निरूपत्ति करि हठ भूरी ॥
 उत्तर प्रतिउत्तर मैं कीन्हा । मुनि तन भए क्रोध के चीन्हा ॥७॥
 सुनु प्रभु बहुत अवग्या किएँ । उपज क्रोध ग्यानन्हि के हिएँ ॥
 अति संघरण जौं कर कोई । अनल प्रगट चंदन ते होई ॥८॥

दोहा

बारंबार सकोप मुनि करइ निरूपन ग्यान ।
 मैं अपनैं मन बैठ तब करत्ति बिबिध अनुमान ॥१११(क)॥
 क्रोध कि द्वेतबुद्धि बिनु द्वैत कि बिनु अग्यान ।
 मायाबस परिछिन्न जड जीव कि ईस समान ॥१११(ख)॥

कबहुँ कि दुख सब कर हित ताके । तेहि कि दरिद्र परस मनि जाके ॥
 परद्रोही की होहि निसंका । कामी पुनि कि रहहि अकलंका ॥१॥
 बंस कि रह द्विज अनहित कीन्हे । कर्म कि होहि स्वरूपहि चीन्हे ॥
 काहू सुमति कि खल सँग जामी । सुभ गति पाव कि परत्रिय गामी ॥२॥
 भव कि परहि परमात्मा बिंदक । सुखी कि होहि कबहुँ हरिनिंदक ॥
 राजु कि रहइ नीति बिनु जानै । अघ कि रहहि हरिचरित बखानै ॥३॥
 पावन जस कि पुन्य बिनु होई । बिनु अघ अजस कि पावइ कोई ॥
 लाभु कि किछु हरि भगति समाना । जेहि गावहि श्रुति संत पुराना ॥४॥
 हानि कि जग एहि सम किछु भाई । भजिअ न रामहि नर तनु पाई ॥
 अघ कि पिसुनता सम कछु आना । धर्म कि दया सरिस हरिजाना ॥५॥
 एहि बिधि अमिति जुगुति मन गुनत्ति । मुनि उपदेस न सादर सुनत्ति ॥
 पुनि पुनि सगुन पच्छ मैं रोपा । तब मुनि बोलेठ बचन सकोपा ॥६॥
 मूढ परम सिख देँ न मानसि । उत्तर प्रतिउत्तर बहु आनसि ॥
 सत्य बचन बिस्वास न करही । बायस इव सबही ते डरही ॥७॥
 सठ स्वपच्छ तब हृदयँ बिसाला । सपदि होहि पच्छी चंडाला ॥

लीन्ह श्राप मैं सीस चढ़ाई । नहिं कछु भय न दीनता आई ॥८॥

दोहा

तुरत भयठ मैं काग तब पुनि मुनि पद सिरु नाइ ।

सुमिरि राम रघुबंस मनि हरषित चलेठ उड़ाइ ॥११२(क)॥

उमा जे राम चरन रत बिगत काम मद क्रोध ॥

निज प्रभुमय देखहिं जगत केहि सन करहिं बिरोध ॥११२(ख)॥

सुनु खगेस नहि कछु रिषि दूषन । ऊर प्रेरक रघुबंस बिभूषन ॥

कृपासिंधु मुनि मति करि भोरी । लीन्ह प्रेम परिच्छा मोरी ॥१॥

मन बच क्रम मोहि निज जन जाना । मुनि मति पुनि फेरी भगवाना ॥

रिषि मम महत सीलता देखी । राम चरन बिस्वास बिसेषी ॥२॥

अति बिसमय पुनि पुनि पछिताई । सादर मुनि मोहि लीन्ह बोलाई ॥

मम परितोष बिबिध बिधि कीन्हा । हरषित राममंत्र तब दीन्हा ॥३॥

बालकरूप राम कर ध्याना । कहेठ मोहि मुनि कृपानिधाना ॥

सुंदर सुखद मिहि अति भावा । सो प्रथमहिं मैं तुम्हहि सुनावा ॥४॥

मुनि मोहि कछुक काल तहँ राखा । रामचरितमानस तब भाषा ॥

सादर मोहि यह कथा सुनाई । पुनि बोले मुनि गिरा सुहाई ॥५॥

रामचरित सर गुस सुहावा । संभु प्रसाद तात मैं पावा ॥

तोहि निज भगत राम कर जानी । ताते मैं सब कहेठ बखानी ॥६॥

राम भगति जिन्ह के ऊर नाहीं । कबहुँ न तात कहिअ तिन्ह पाहीं ॥

मुनि मोहि बिबिध भाँति समुझावा । मैं सप्रेम मुनि पद सिरु नावा ॥७॥

निज कर कमल परसि मम सीसा । हरषित आसिष दीन्ह मुनीसा ॥

राम भगति अबिरल ऊर तोरें । बसिहि सदा प्रसाद अब मोरें ॥८॥

दोहा

सदा राम प्रिय होहु तुम्ह सुभ गुन भवन अमान ।

कामरूप इच्छामरन ग्यान बिराग निधान ॥११३(क)॥

जैहि आश्रम तुम्ह बसब पुनि सुमिरत श्रीभगवंत ।

ब्यापिहि तहँ न अविद्या जोजन एक प्रजंत ॥११३(ख)॥

काल कर्म गुन दोष सुभाऊ । कछु दुख तुम्हहि न ब्यापिहि काऊ ॥

राम रहस्य ललित बिधि नाना । गुस प्रगट इतिहास पुराना ॥१॥

बिनु श्रम तुम्ह जानब सब सोऊ । नित नव नेह राम पद होऊ ॥

जो इच्छा करिहहु मन माहीं । हरि प्रसाद कछु दुर्लभ नाहीं ॥२॥

सुनि मुनि आसिष सुनु मतिधीरा । ब्रह्मगिरा भइ गगन गँभीरा ॥

एवमस्तु तव बच मुनि ज्यानी । यह मम भगत कर्म मन बानी ॥३॥
 सुनि नभगिरा हरष मोहि भयऊ । प्रेम मगन सब संसय गयऊ ॥
 करि बिनती मुनि आयसु पाई । पद सरोज पुनि पुनि सिरु नाई ॥४॥
 हरष सहित एहि आश्रम आयऊ । प्रभु प्रसाद दुर्लभ बर पायऊ ॥
 इहाँ बसत मोहि सुनु खग ईसा । बीते कलप सात अरु बीसा ॥५॥
 करऊ सदा रघुपति गुन गाना । सादर सुनहिं बिहंग सुजाना ॥
 जब जब अवधपुरी रघुबीरा । धरहिं भगत हित मनुज सरीरा ॥६॥
 तब तब जाइ राम पुर रहऊ । सिसुलीला बिलोकि सुख लहऊ ॥
 पुनि उर राखि राम सिसुरूपा । निज आश्रम आवऊ खगभूपा ॥७॥
 कथा सकल मैं तुम्हहि सुनाई । काग देह जेहिं कारन पाई ॥
 कहिऊ तात सब प्रस्तु तुम्हारी । राम भगति महिमा अति भारी ॥८॥

दोहा

ताते यह तन मोहि प्रिय भयऊ राम पद नेह ।
 निज प्रभु दरसन पायऊ गए सकल संदेह ॥११४(क)॥

मासपारायण, उन्तीसवाँ विश्राम

भगति पच्छ हठ करि रहेऊ दीन्हि महारिषि साप ।
 मुनि दुर्लभ बर पायऊ देखहु भजन प्रताप ॥११४(ख)॥

जे असि भगति जानि परिहरहीं । केवल ज्यान हेतु श्रम करहीं ॥
 ते जड़ कामधेनु गृह्ण त्यागी । खोजत आकु फिरहिं पय लागी ॥१॥
 सुनु खगेस हरि भगति बिहाई । जे सुख चाहहिं आन उपाई ॥
 ते सठ महासिंधु बिनु तरनी । पैरि पार चाहहिं जड़ करनी ॥२॥
 सुनि भसुंडि के बचन भवानी । बोलेठ गरुड हरषि मृदु बानी ॥
 तव प्रसाद प्रभु मम उर माहीं । संसय सोक मोह भ्रम नाहीं ॥३॥
 सुनेऊं पुनीत राम गुन ग्रामा । तुम्हरी कृपाँ लहेऊ बिश्रामा ॥
 एक बात प्रभु पूछऊ तोही । कहहु बुझाइ कृपानिधि मोही ॥४॥
 कहहिं संत मुनि बेद पुराना । नहिं कछु दुर्लभ ज्यान समाना ॥
 सोइ मुनि तुम्ह सन कहेत गोसाई । नहिं आदरेहु भगति की नाई ॥५॥
 ज्यानहि भगतिहि अंतर केता । सकल कहहु प्रभु कृपा निकेता ॥
 सुनि उरगारि बचन सुख माना । सादर बोलेठ काग सुजाना ॥६॥
 भगतिहि ज्यानहि नहिं कछु भेदा । उभय हरहि भव संभव खेदा ॥
 नाथ मुनीस कहहिं कछु अंतर । सावधान सोठ सुनु बिहंगबर ॥७॥
 ज्यान बिराग जोग बिग्याना । ए सब पुरुष सुनहु हरिजाना ॥

पुरुष प्रताप प्रबल सब भाँती । अबला अबल सहज जड जाती ॥८॥

दोहा

पुरुष त्यागि सक नारिहि जो विरक्त मति धीर ॥
न तु कामी बिषयाबस बिमुख जो पद रघुबीर ॥११५(क)॥

सोरठा

सोठ मुनि ग्याननिधान मृगनयनी विधु मुख निरखि ।
बिबस होइ हरिजान नारि बिष्णु माया प्रगट ॥११५(ख)॥

इहाँ न पच्छपात कछु राखड़ । बेद पुरान संत मत भाषड़ ॥
मोह न नारि नारि के रूपा । पन्नगरि यह रीति अनूपा ॥१॥
माया भगति सुनहु तुम्ह दोऊ । नारि बर्ग जानइ सब कोऊ ॥
पुनि रघुबीरहि भगति पिआरी । माया खलु नर्तकी बिचारी ॥२॥
भगतिहि सानुकूल रघुराया । ताते तेहि डरपति अति माया ॥
राम भगति निरुपम निरुपाधी । बसइ जासु उर सदा अबाधी ॥३॥
तेहि बिलोकि माया सकुचाई । करि न सकइ कछु निज प्रभुताई ॥
अस बिचारि जे मुनि बिग्यानी । जाचहीं भगति सकल सुख खानी ॥४॥

दोहा

यह रहस्य रघुनाथ कर बेंगि न जानइ कोइ ।
जो जानइ रघुपति कृपाँ सपनेहुँ मोह न होइ ॥११६(क)॥
औरठ ग्यान भगति कर भेद सुनहु सुप्रबीन ।
जो सुनि होइ राम पद प्रीति सदा अविछीन ॥११६(ख)॥

सुनहु तात यह अकथ कहानी । समुझत बनइ न जाइ बखानी ॥
ईस्वर अंस जीव अविनासी । चेतन अमल सहज सुख रासी ॥१॥
सो मायाबस भयड गोसाई । बँध्यो कीर मरकट की नाई ॥
जड चेतनहि ग्रंथि परि गई । जदपि मृषा छूटत कठिनई ॥२॥
तब ते जीव भयड संसारी । छूट न ग्रंथि न होइ सुखारी ॥
श्रुति पुरान बहु कहेड उपाई । छूट न अधिक अधिक अरुझाई ॥३॥
जीव हृदयँ तम मोह बिसेषी । ग्रंथि छूट किमि परइ न देखी ॥
अस संजोग ईस जब करई । तबहुँ कदाचित सो निरुअरई ॥४॥
सात्त्विक श्रद्धा धेनु सुहाई । जौं हरि कृपाँ हृदयँ बस आई ॥
जप तप ब्रत जम नियम अपारा । जे श्रुति कह सुभ धर्म अचारा ॥५॥
तेइ तृन हरित चरै जब गाई । भाव बच्छ सिसु पाइ पेन्हाई ॥

नोइ निबृति पात्र बिस्वासा । निर्मल मन अहीर निज दासा ॥६॥
 परम धर्ममय पय दुहि भाई । अवटै अनल अकाम बिहाई ॥
 तोष मरुत तब छमाँ जुडावै । धृति सम जावनु देइ जमावै ॥७॥
 मुदिताँ मर्थे बिचार मथानी । दम अधार रजु सत्य सुबानी ॥
 तब मथि काढि लेइ नवनीता । बिमल बिराग सुभग सुपुनीता ॥८॥

दोहा

जोग अगिनि करि प्रगट तब कर्म सुभासुभ लाइ ।
 बुद्धि सिरावैं ग्यान घृत ममता मल जरि जाइ ॥११७(क)॥
 तब बिग्यानरूपिनि बुद्धि बिसद घृत पाइ ।
 चित दिआ भरि धरै दृढ समता दिअटि बनाइ ॥११७(ख)॥
 तीनि अवस्था तीनि गुन तेहि कपास तें काढि ।
 तूल तुरीय सँवारि पुनि बाती करै सुगाढि ॥११७(ग)॥

सोरठा

एहि बिधि लेसै दीप तेज रासि बिग्यानमय ॥
 जातहिं जासु समीप जरहिं मदादिक सलभ सब ॥११७(घ)॥

सोहमस्मि इति बृति अखंडा । दीप सिखा सोइ परम प्रचंडा ॥
 आतम अनुभव सुख सुप्रकासा । तब भव मूल भेद भ्रम नासा ॥१॥
 प्रबल अबिद्या कर परिवारा । मोह आदि तम मिटइ अपारा ॥
 तब सोइ बुद्धि पाइ उँजिआरा । ऊर गृहै बैठि ग्रंथि निरुआरा ॥२॥
 छोरन ग्रंथि पाव जौं सोइ । तब यह जीव कृतारथ होइ ॥
 छोरत ग्रंथि जानि खगराया । बिघ्न अनेक करइ तब माया ॥३॥
 रिद्धि सिद्धि प्रेरइ बहु भाई । बुद्धिं लोभ दिखावहिं आई ॥
 कल बल छल करि जाहिं समीपा । अंचल बात बुझावहिं दीपा ॥४॥
 होइ बुद्धि जौं परम सयानी । तिन्ह तन चितव न अनहित जानी ॥
 जौं तेहि बिघ्न बुद्धि नहिं बाधी । तौ बहोरि सुर करहिं उपाधी ॥५॥
 इंद्रीं द्वार झारोखा नाना । तहैं तहैं सुर बैठे करि थाना ॥
 आवत देखहिं बिषय बयारी । ते हठि देही कपाट उधारी ॥६॥
 जब सो प्रभंजन ऊर गृहै जाई । तबहिं दीप बिग्यान बुझाई ॥
 ग्रंथि न छूटि मिटा सो प्रकासा । बुद्धि बिकल भइ बिषय बतासा ॥७॥
 इंद्रिन्ह सुरन्ह न ग्यान सोहाई । बिषय भोग पर प्रीति सदाई ॥
 बिषय समीर बुद्धि कृत भोरी । तेहि बिधि दीप को बार बहोरी ॥८॥

दोहा

तब फिरि जीव बिबिध बिधि पावइ संसृति क्लेस ।
हरि माया अति दुस्तर तरि न जाइ बिहगेस ॥१८(क)॥
कहत कठिन समुझत कठिन साधन कठिन बिबेक ।
होइ घुनाच्छर न्याय जौं पुनि प्रत्यूह अनेक ॥१८(ख)॥

ज्यान पंथ कृपान कै धारा । परत खगेस होइ नहिं बारा ॥
जो निर्बिध्न पंथ निर्बहई । सो कैवल्य परम पद लहई ॥१॥
अति दुर्लभ कैवल्य परम पद । संत पुरान निगम आगम बद ॥
राम भजत सोइ मुकुति गोसाई । अनइच्छित आवइ बरिआई ॥२॥
जिमि थल बिनु जल रहि न सकाई । कोटि भाँति कोठ करै उपाई ॥
तथा मोच्छ सुख सुनु खगराई । रहि न सकइ हरि भगति बिहाई ॥३॥
अस बिचारि हरि भगत सयाने । मुक्ति निरादर भगति लुभाने ॥
भगति करत बिनु जतन प्रयास । संसृति मूल अविद्या नासा ॥४॥
भोजन करिअ तृपिति हित लागी । जिमि सो असन पचवै जठरागी ॥
असि हरिभगति सुगम सुखदाई । को अस मूढ न जाहि सोहाई ॥५॥

दोहा

सेवक सेव्य भाव बिनु भव न तरिअ उरगारि ॥
भजहु राम पद पंकज अस सिद्धांत बिचारि ॥१९(क)॥
जो चेतन कहँ झड करइ झडहि करइ चैतन्य ।
अस समर्थ रघुनायकहि भजहिं जीव ते धन्य ॥१९(ख)॥

कहेऽ ज्यान सिद्धांत बुझाई । सुनहु भगति मनि कै प्रभुताई ॥
राम भगति चिंतामनि सुंदर । बसइ गरुड जाके ऊर अंतर ॥१॥
परम प्रकास रूप दिन राती । नहिं कछु चहिअ दिआ घृत बाती ॥
मोह दरिद्र निकट नहिं आवा । लोभ बात नहिं ताहि बुझावा ॥२॥
प्रबल अविद्या तम मिटि जाई । हारहि सकल सलभ समुदाई ॥
खल कामादि निकट नहिं जाहीं । बसइ भगति जाके ऊर माहीं ॥३॥
गरल सुधासम अरि हित होई । तेहि मनि बिनु सुख पाव न कोई ॥
व्यापहि मानस रोग न भारी । जिन्ह के बस सब जीव दुखारी ॥४॥
राम भगति मनि ऊर बस जाके । दुख लवलेस न सपनेहुँ ताके ॥
चतुर सिरोमनि तेइ जग माहीं । जे मनि लागि सुजतन कराही ॥५॥
सो मनि जदपि प्रगट जग अहई । राम कृपा बिनु नहिं कोठ लहई ॥
सुगम उपाय पाइबे केरे । नर हृतभाग्य देहि भटमेरे ॥६॥
पावन पर्बत बेद पुराना । राम कथा रुचिराकर नाना ॥
मर्मी सज्जन सुमति कुदारी । ज्यान बिराग नयन उरगारी ॥७॥

भाव सहित खोजइ जो प्रानी । पाव भगति मनि सब सुख खानी ॥
 मरें मन प्रभु अस बिस्वासा । राम ते अधिक राम कर दासा ॥८॥
 राम सिंधु घन सज्जन धीरा । चंदन तरु हरि संत समीरा ॥
 सब कर फल हरि भगति सुहाई । सो बिनु संत न काहूँ पाई ॥९॥
 अस बिचारि जोइ कर सतसंगा । राम भगति तेहि सुलभ बिहंगा ॥१०॥

दोहा

ब्रह्म पयोनिधि मंदर ज्यान संत सुर आहिं ।
 कथा सुधा मथि काढहिं भगति मधुरता जाहिं ॥१२०(क)॥
 बिरति चर्म असि ज्यान मद लोभ मोह रिपु मारि ।
 जय पाइअ सो हरि भगति देखु खगेस बिचारि ॥१२०(ख)॥

पुनि सप्रेम बोलेऽ खगराऊ । जौं कृपाल मोहि ऊपर भाऊ ॥
 नाथ मोहि निज सेवक जानी । सप्त प्रस्न कहहु बखानी ॥१॥
 प्रथमहिं कहहु नाथ मतिधीरा । सब ते दुर्लभ कवन सरीरा ॥
 बडु दुख कवन कवन सुख भारी । सोउ संछेपहिं कहहु बिचारी ॥२॥
 संत असंत मरम तुम्ह जानहु । तिन्ह कर सहज सुभाव बखानहु ॥
 कवन पुन्य श्रुति बिदित बिसाला । कहहु कवन अघ परम कराला ॥३॥
 मानस रोग कहहु समुझाई । तुम्ह सर्बग्य कृपा अधिकाई ॥
 तात सुनहु सादर अति प्रीती । मैं संछेप कहठँ यह नीती ॥४॥
 नर तन सम नहिं कवनित देही । जीव चराचर जाचत तेही ॥
 नरग स्वर्ग अपबर्ग निसेनी । ज्यान बिराग भगति सुभ देनी ॥५॥
 सो तनु धरि हरि भजहिं न जे नर । होहिं बिषय रत मंद मंद तर ॥
 काँच किरिच बदलें ते लेही । कर ते डारि परस मनि देही ॥६॥
 नहिं दरिद्र सम दुख जग माहीं । संत मिलन सम सुख जग नाहीं ॥
 पर उपकार बचन मन काया । संत सहज सुभाऊ खगराया ॥७॥
 संत सहिं दुख परहित लागी । परदुख हेतु असंत अभागी ॥
 भूर्ज तरु सम संत कृपाला । परहित निति सह बिपति बिसाला ॥८॥
 सन इव खल पर बंधन करई । खाल कढाइ बिपति सहि मरई ॥
 खल बिनु स्वारथ पर अपकारी । अहि मूषक इव सुनु उरगारी ॥९॥
 पर संपदा बिनासि नसाहीं । जिमि ससि हति हिम उपल बिलाहीं ॥
 दुष्ट उदय जग आरति हेतू । जथा प्रसिद्ध अधम ग्रह केतू ॥१०॥
 संत उदय संतत सुखकारी । बिस्व सुखद जिमि इंदु तमारी ॥
 परम धर्म श्रुति बिदित अहिंसा । पर निंदा सम अघ न गरीसा ॥११॥
 हर गुर निंदक दादुर होई । जन्म सहस्र पाव तन सोई ॥

द्विज निंदक बहु नरक भोग करि । जग जनमइ बायस सरीर धरि ॥१२॥
 सुर श्रुति निंदक जे अभिमानी । रौरव नरक परहिं ते प्रानी ॥
 होहिं उलूक संत निंदा रत । मोह निसा प्रिय ग्यान भानु गत ॥१३॥
 सब के निंदा जे जड़ करहीं । ते चमगादुर होइ अवतरहीं ॥
 सुनहु तात अब मानस रोगा । जिन्ह ते दुख पावहि सब लोगा ॥१४॥
 मोह सकल व्याधिन्ह कर मूला । तिन्ह ते पुनि उपजहिं बहु सूला ॥
 काम बात कफ लोभ अपारा । क्रोध पित नित छाती जारा ॥१५॥
 प्रीति करहि जौं तीनित भाई । उपजइ सन्यपात दुखदाई ॥
 विषय मनोरथ दुर्गम नाना । ते सब सूल नाम को जाना ॥१६॥
 ममता दादु कंडु इरषाई । हरष विषाद गरह बहुताई ॥
 पर सुख देखि जरनि सोइ छई । कुष दुष्टा मन कुटिलई ॥१७॥
 अहंकार अति दुखद डमरुआ । दंभ कपट मद मान नेहरुआ ॥
 तृस्ना उदरबृद्धि अति भारी । त्रिविध ईषना तरुन तिजारी ॥१८॥
 जुग विधि ज्वर मत्सर अबिवेका । कहँ लागि कहीं कुरोग अनेका ॥१९॥

दोहा

एक व्याधि बस नर मरहिं ए असाधि बहु व्याधि ।
 पीड़हिं संतत जीव कहुँ सो किमि लहै समाधि ॥१२१(क)॥
 नेम धर्म आचार तप ग्यान जग्य जप दान ।
 भेषज पुनि कोटिन्ह नहिं रोग जाहिं हरिजान ॥१२१(ख)॥

एहि विधि सकल जीव जग रोगी । सोक हरष भय प्रीति वियोगी ॥
 मानक रोग कछुक मैं गाए । हहिं सब के लखि बिरलेन्ह पाए ॥१॥
 जाने ते छीजहिं कछु पापी । नास न पावहि जन परितापी ॥
 विषय कुपथ्य पाइ अंकुरे । मुनिहु हृदयँ का नर बापुरे ॥२॥
 राम कृपाँ नासहि सब रोगा । जौं एहि भाँति बनै संयोगा ॥
 सदगुर बैद बचन बिस्वासा । संजम यह न विषय के आसा ॥३॥
 रघुपति भगति सजीवन मूरी । अनूपान श्रद्धा मति पूरी ॥
 एहि विधि भलेहिं सो रोग नसाहीं । नाहिं त जतन कोटि नहिं जाहीं ॥४॥
 जानिअ तब मन बिरुज गोसाई । जब उर बल बिराग अधिकाई ॥
 सुमति छुथा बाढ़ि नित नई । विषय आस दुर्बलता गई ॥५॥
 बिमल ग्यान जल जब सो नहाई । तब रह राम भगति उर छाई ॥
 सिव अज सुक सनकादिक नारद । जे मुनि ब्रह्म बिचार बिसारद ॥६॥
 सब कर मत खगनायक एहा । करिअ राम पद पंकज नेहा ॥
 श्रुति पुरान सब ग्रंथ कहाहीं । रघुपति भगति बिना सुख नाहीं ॥७॥

कमठ पीठ जामहिं बरु बारा । बंध्या सुत बरु काहुहि मारा ॥
 फूलहिं नभ बरु बहुविधि फूला । जीव न लह सुख हरि प्रतिकूला ॥८॥
 तृष्णा जाइ बरु मृगजल पाना । बरु जामहिं सस सीस विषाना ॥
 अंधकारु बरु रविहि नसावै । राम बिमुख न जीव सुख पावै ॥९॥
 हिम ते अनल प्रगट बरु होई । बिमुख राम सुख पाव न कोई ॥१०॥

दोहा

बारि मथें घृत होइ बरु सिकता ते बरु तेल ।
 बिनु हरि भजन न भव तरिअ यह सिद्धांत अपेल ॥१२२(क)॥
 मसकहि करइ बिरंचि प्रभु अजहि मसक ते हीन ।
 अस बिचारि तजि संसय रामहि भजहिं प्रबीन ॥१२२(ख)॥

क्षोक

विनिच्छ्रितं वदामि ते न अन्यथा वचांसि मे ।
 हरिं नरा भजन्ति येऽतिदुस्तरं तरन्ति ते ॥१२२(ग)॥

कहेँ नाथ हरि चरित अनूपा । व्यास समास स्वमति अनुरूपा ॥
 श्रुति सिद्धांत इहइ उरगारी । राम भजिअ सब काज बिसारी ॥१॥
 प्रभु रघुपति तजि सेइअ काही । मोहि से सठ पर ममता जाही ॥
 तुम्ह बिग्यानरूप नहिं मोहा । नाथ कीन्हि मो पर अति छोहा ॥२॥
 पूछिहुँ राम कथा अति पावनि । सुक सनकादि संभु मन भावनि ॥
 सत संगति दुर्लभ संसारा । निमिष दंड भरि एकठ बारा ॥३॥
 देखु गरुड निज हृदयं बिचारी । मैं रघुबीर भजन अधिकारी ॥
 सकुनाधम सब भाँति अपावन । प्रभु मोहि कीन्हि बिदित जग पावन ॥४॥

दोहा

आजु धन्य मैं धन्य अति जयपि सब विधि हीन ।
 निज जन जानि राम मोहि संत समागम दीन ॥१२३(क)॥
 नाथ जथामति भाषेँ राखेँ नहिं कछु गोइ ।
 चरित सिंधु रघुनायक थाह कि पावइ कोइ ॥१२३(ख)॥

सुमिरि राम के गुन गन नाना । पुनि पुनि हरष भुसुंडि सुजाना ॥
 महिमा निगम नेति करि गाइ । अतुलित बल प्रताप प्रभुताइ ॥१॥
 सिव अज पूज्य चरन रघुराइ । मो पर कृपा परम मृदुलाइ ॥
 अस सुभाड कहुँ सुनतँ न देखतँ । केहि खगेस रघुपति सम लेखतँ ॥२॥
 साधक सिद्ध बिमुक उदासी । कबि कोबिद कृतग्य संन्यासी ॥

जोगी सूर सुतापस ग्यानी । धर्म निरत पंडित बिग्यानी ॥३॥
 तरहि न बिनु सेँ मम स्वामी । राम नमामि नमामि नमामी ॥
 सरन गरँ मो से अघ रासी । होहि सुद्ध नमामि अबिनासी ॥४॥

दोहा

जासु नाम भव भेषज हरन घोर त्रय सूल ।
 सो कृपालु मोहि तो पर सदा रहठ अनुकूल ॥१२४(क)॥
 सुनि भुसुंडि के बचन सुभ देखि राम पद नेह ।
 बोलेठ प्रेम सहित गिरा गरुड बिगत संदेह ॥१२४(ख)॥

मै कृत्कृत्य भयँ तव बानी । सुनि रघुबीर भगति रस सानी ॥
 राम चरन नूतन रति भई । माया जनित बिपति सब गई ॥१॥
 मोह जलधि बोहित तुम्ह भए । मो कहँ नाथ बिबिध सुख दए ॥
 मो पहिं होइ न प्रति उपकारा । बंदँ तव पद बारहि बारा ॥२॥
 पूरन काम राम अनुरागी । तुम्ह सम तात न कोउ बडभागी ॥
 संत बिटप सरिता गिरि धरनी । पर हित हेतु सबन्ह कै करनी ॥३॥
 संत हृदय नवनीत समाना । कहा कबिन्ह परि कहै न जाना ॥
 निज परिताप द्रवइ नवनीता । पर दुख द्रवहि संत सुपुनीता ॥४॥
 जीवन जन्म सुफल मम भयऊ । तव प्रसाद संसय सब गयऊ ॥
 जानेहु सदा मोहि निज किकर । पुनि पुनि उमा कहइ बिहंगबर ॥५॥

दोहा

तासु चरन सिरु नाइ करि प्रेम सहित मतिधीर ।
 गयठ गरुड बैकुंठ तब हृदयँ राखि रघुबीर ॥१२५(क)॥
 गिरिजा संत समागम सम न लाभ कछु आन ।
 बिनु हरि कृपा न होइ सो गावहि बेद पुरान ॥१२५(ख)॥

कहेँ परम पुनीत इतिहासा । सुनत श्रवन छूटहि भव पासा ॥
 प्रनत कल्पतरु करुना पुंजा । उपजइ प्रीति राम पद कंजा ॥१॥
 मन क्रम बचन जनित अघ जाई । सुनहि जे कथा श्रवन मन लाई ॥
 तीर्थाटन साधन समुदाई । जोग बिराग ग्यान निपुनाई ॥२॥
 नाना कर्म धर्म ब्रत दाना । संजम दम जप तप मख नाना ॥
 भूत दया द्विज गुर सेवकाई । बिद्या बिन्य बिबेक बडाई ॥३॥
 जहँ लगि साधन बेद बखानी । सब कर फल हरि भगति भवानी ॥
 सो रघुनाथ भगति श्रुति गाई । राम कृपाँ काहूँ एक पाई ॥४॥

दोहा

मुनि दुर्लभ हरि भगति नर पावहिं बिनहिं प्रयास ।
जे यह कथा निरंतर सुनहिं मानि बिस्वास ॥१२६॥

सोइ सर्बगय गुनी सोइ ग्याता । सोइ महि मंडित पंडित दाता ॥
धर्म परायन सोइ कुल त्राता । राम चरन जा कर मन राता ॥१॥
नीति निपुन सोइ परम सयाना । श्रुति सिद्धांत नीक तेहिं जाना ॥
सोइ कबि कोविद सोइ रनधीरा । जो छल छाड़ि भजइ रघुबीरा ॥२॥
धन्य देस सो जहँ सुरसरी । धन्य नारि पतिब्रत अनुसरी ॥
धन्य सो भृपु नीति जो करई । धन्य सो द्विज निज धर्म न टरई ॥३॥
सो धन धन्य प्रथम गति जाकी । धन्य पुन्य रत मति सोइ पाकी ॥
धन्य घरी सोइ जब सतसंगा । धन्य जन्म द्विज भगति अभंगा ॥४॥

दोहा

सो कुल धन्य उमा सुनु जगत पूज्य सुपुनीत ।
श्रीरघुबीर परायन जेहिं नर उपज बिनीत ॥१२७॥

मति अनुरूप कथा मैं भाषी । जयपि प्रथम गुस करि राखी ॥
तब मन प्रीति देखि अधिकाई । तब मैं रघुपति कथा सुनाई ॥१॥
यह न कहिअ सठही हठसीलहि । जो मन लाइ न सुन हरि लीलहि ॥
कहिअ न लोभिहि क्रोधहि कामिहि । जो न भजइ सचराचर स्वामिहि ॥२॥
द्विज द्रोहिहि न सुनाइअ कबहूँ । सुरपति सरिस होइ नृप जबहूँ ॥
राम कथा के तेइ अधिकारी । जिन्ह के सतसंगति अति प्यारी ॥३॥
गुर पद प्रीति नीति रत जई । द्विज सेवक अधिकारी तेइ ॥
ता कहूँ यह बिसेष सुखदाई । जाहि प्रानप्रिय श्रीरघुराई ॥४॥

दोहा

राम चरन रति जो चह अथवा पद निर्बान ।
भाव सहित सो यह कथा करठ श्रवन पुट पान ॥१२८॥

राम कथा गिरिजा मैं बरनी । कलि मल समनि मनोमल हरनी ॥
संसृति रोग सजीवन मूरी । राम कथा गावहिं श्रुति सूरी ॥१॥
एहि महँ रुचिर सस सोपाना । रघुपति भगति केर पंथाना ॥
अति हरि कृपा जाहि पर होई । पाँड देइ एहि मारग सोइ ॥२॥
मन कामना सिद्धि नर पावा । जे यह कथा कपट तजि गावा ॥
कहहिं सुनहिं अनुमोदन करहीं । ते गोपद इव भवनिधि तरहीं ॥३॥

सुनि सब कथा हृदयँ अति भाई । गिरिजा बोली गिरा सुहाई ॥
नाथ कृपाँ मम गत संदेहा । राम चरन उपजेठ नव नेहा ॥४॥

दोहा

मैं कृतकृत्य भइँ अब तव प्रसाद बिस्वेस ।
उपजी राम भगति दृढ बीते सकल कलेस ॥१२९॥

यह सुभ संभु उमा संबादा । सुख संपादन समन बिषादा ॥
भव भंजन गंजन संदेहा । जन रंजन सज्जन प्रिय एहा ॥१॥
राम उपासक जे जग माही । एहि सम प्रिय तिन्ह के कछु नाहीं ॥
रघुपति कृपाँ जथामति गावा । मैं यह पावन चरित सुहावा ॥२॥
एहिं कलिकाल न साधन दूजा । जोग जग्य जप तप ब्रत पूजा ॥
रामहि सुमिरिअ गाइअ रामहि । संतत सुनिअ राम गुन ग्रामहि ॥३॥
जासु पतित पावन बड बाना । गावहिं कवि श्रुति संत पुराना ॥
ताहि भजहि मन तजि कुटिलाई । राम भजें गति केहिं नहिं पाई ॥४॥

छंद

पाई न केहिं गति पतित पावन राम भजि सुनु सठ मना ।
गनिका अजामिल व्याथ गीध गजादि खल तारे घना ॥
आभीर जमन किरात खस स्वपचादि अति अघरूप जे ।
कहि नाम बारक तेपि पावन होहिं राम नमामि ते ॥१॥

रघुबंस भूषन चरित यह नर कहहिं सुनहिं जे गावहीं ।
कलि मल मनोमल धोइ बिनु श्रम राम धाम सिधावहीं ॥
सत पंच चौपाई मनोहर जानि जो नर उर धरै ।
दारुन अबिद्या पंच जनित बिकार श्रीरघुबर हरै ॥२॥

सुंदर सुजान कृपा निधान अनाथ पर कर प्रीति जो ।
सो एक राम अकाम हित निर्बानप्रद सम आन को ॥
जाकी कृपा लवलेस ते मतिमंद तुलसीदासहूँ ।
पायो परम बिश्रामु राम समान प्रभु नाहीं कहूँ ॥३॥

दोहा

मो सम दीन न दीन हित तुम्ह समान रघुबीर ।
अस बिचारि रघुबंस मनि हरहु बिषम भव भीर ॥१३०(क)॥
कामिहि नारि पिआरि जिमि लोभहि प्रिय जिमि दाम ।

तिमि रघुनाथ निरंतर प्रिय लागहु मोहि राम ॥१३०(ख)॥

श्लोक

यत्पूर्व प्रभुणा कृतं सुकविना श्रीशम्भुना दुर्गमं
 श्रीमद्रामपदाब्ज भक्तिमनिशं प्राप्त्यै तु रामायणम् ।
 मत्वा तद्रघुनाथमनिरतं स्वान्तस्तमः
 शान्तये भाषाबद्धमिदं चकार तुलसीदासस्तथा मानसम् ॥१॥

पुण्यं पापहरं सदा शिवकरं विज्ञानं भक्तिप्रदं
 मायामोहमलापहं सुविमलं प्रेमाम्बुपूरं शुभम् ।
 श्रीमद्रामचरित्रमानसमिदं भक्त्यावगाहन्ति ये
 ते संसारपतड्गधोरकिरणैर्दद्यन्ति नो मानवाः ॥२॥

मासपारायण, तीसवाँ विश्राम
 नवान्हपारायण, नवाँ विश्राम

इति श्रीमद्रामचरितमानसे सकलकलिकलुषविधंवंसने सप्तमः सोपानः समाप्तः ।

उत्तरकाण्ड समाप्त